







金石萃編

卷三十至三十三  
東魏  
西魏  
北齊

第九冊







金石萃編卷三十

賜進士出身

誥授光祿大夫刑部右侍郎加七級正和


東魏

中岳嵩陽寺碑

碑高三尺二寸五分廣四尺五寸共三十九行行三十八字隸書末後移立年月一行正書今在嵩山會善寺戒壇

中岳嵩陽寺碑銘序

夫至理空淨非大智無已寄其言法身疑  
家非妙信無已感其像故託金軀於至敬  
之國布慈雲於多士之世顯皮紙骨筆之



重半偈亡身之貴是已須達崇善填金弗  
愒優王仰戀鑄檀寫真斯皆聖人留軌爲  
物樹業故然乃遺形八万還昇慧頂有大  
德沙門生禪師遊三空已歸真泯法流而  
希世控三車而微蹤秉常樂已徼軌隱顯  
無方沉浮嶽嶺道風遠被德香普薰乃皇  
帝傾心已師資朝野望風而屈膝此山先  
來未育塔廟禪師將欲接引四生永辭沸  
鑊拯拔群嶽遠離炎鑪一茲福地創立神  
場當中甚之要害對衆術之樞可乃北背

高峯南臨廣陌西帶濬淵東接脩林於太  
和八季歲次甲子建造伽藍築立塔巖布  
置僧坊略深梗概王公卿士咸敷布肉之  
心凡厥庶民並欣喜捨之志司空公裴佉  
昔在齊都欽承師德願歸中國爲寺檀主  
本願既從雲歸□□禪師乃構千善靈塔  
一十五層始就七級緣葺中止而七層之  
狀遠望則迺亭觀幾仰慕天漢近視則口  
崑儼嶷旁魄絕望自佛法光興未育斯壯  
也禪師指麾成之匪曰禪師背後雖復名

工巧匠無能陟其嶮峭禪師大弟子沙門  
統倫豔二法師孟妙思淵蹟神指難量繼  
軌四依津□□世覺華散藻或香盃馥與  
諸同志名師遺功成茲洪業分稟□塼更  
窳兩塔並各七層仰副師顛殊特妙巧□  
削秀出塔殿宮堂星羅棋布內外圖寫本  
生湮日十□尊徽無量億數□□金爲相  
裁玉成象瓊碧煜爍丹彩絢耀色煥□□  
光輝宇宙異類衆品□知厝緒龕房禪室  
側□環遶廷閣通門前覆□□□廊重複

苑倚逶迤規而脊楷短而脊則溝雷雙泉  
四殖甘菓柳裊長徐松擎圓蓋池荷焔灼  
翠葉紅輝微波碧澈潺流潑□異禽巡獸  
飲喙相鳴碩學名賢鍾武相望引房清誦  
列館法言洪鍾一扣應真四集嶼響八飛  
香煙似霧虔祀禪家六時靡輟方爲衆聖  
万劫之靈場八輩十方三世之苑園也天  
平二季四月八日倫豔二統乃刊石樹碑  
雕飭尊像贊貽嘉福顯彰聖儀高坐大沙  
門統遵法師忘懷體道戒珠皎潔仁智明

敏器宇汪庠開妙思於三空之表顯真如  
 於四忍之外接引群生丹旆巨海率諸邑  
 義繕立天宮勲脩嚴麗兼造白玉像一龕  
 眷屬侍御剗剗鑄磨妙匠精巧三十二滿  
 八十好圓色揜耀靈光暉夜口召諸勝誓  
 仰資皇帝聖廟諱無窮國境寧泰太后德被  
 蒼口永保仁齡預捨一豪同登我淨若見  
 若聞等一常樂傍盡邊塵後窮來際咸鍾  
 此福其詞曰  
 明明大聖皎皎無著至家至妙湛然常樂

無像無言形名應世七步舉手播宣苦諦  
 聲光振動濯我塵滯化息雙林終歸寶際  
 金儀言覆塔像勃興香尊避坐三寶踊昇  
 為摸為指永劫恆承維大沙門權機應傳  
 英風秀朗廟諱通常佐道德芳烈帝后欽裕  
 構造靈基朝野傾務速摹妙喜近光祇樹  
 唯聖唯賢爰依爰附億兆來蘊天龍虔仰  
 城芥千空此基無爽

大唐麟德元年歲次甲子九月景午朔十五日庚申  
 從嵩陽觀移來會善寺立

碑記生禪師造塔及其徒倫豔繼造二塔事書法不  
 工而碑文可誦碑後刻大唐一行則唐人固以為舊  
 物而珍之矣歐趙錄却不載 碑文東作束矩作短  
 潛作濳駟作述啄作喙洋作庠鶩作務惟皇帝太后  
 不跳行不空闕猶存古式宥字三見曰法身凝宥曰  
 虔禮禪宥曰至宥至妙廣韻宥與寂同莊子注取其  
 宥莫無情耳宥音寂本亦作寂

金石文  
字記

東魏隸書曰中嶽嵩陽寺碑銘序共九百五十六字  
 東魏天平二年刻石無撰書姓名筆法頗含風致嵩  
 白啟母諸闕漢篆外唐以前書最少此其冠也碑上

截刻佛相雕鏤層叠佛像隆起餘地鐫平文刻於下  
 截當碑四分之一其字之上方又刻空方六寸許深  
 入二寸許規制亦迥異後代也北齊諸碑俱仿此式  
 碑末正書三十字曰大唐麟德元年歲次甲子九月  
 景午朔十五日庚申從嵩陽觀移來會善寺立寺自  
 隋大業已改為觀唐避世祖諱丙字易為景字碑之  
 移在營奉天宮時立於會善寺佛殿東楹久無剝蝕  
 尚得完好今康熙四十八年己丑歲重修佛殿更移  
 立於寺西之戒壇

說嵩

碑以僧坊為僧房以堯行為蜿蜒以巡獸為馴獸以

飲啄為飲啄以苑囿為苑囿以汪庠為汪洋以丹航

為舟航以蒼海為滄海或借或誤都未可知書矩作

短顯係筆誤築立分稟蓋不可識金石存

洛陽伽藍記云嵩高中有嵩陽寺即此是也碑云司

空公表衍昔在齊都欽承師德願歸中國為寺檀主

本願既從雲歸云云按魏書列傳云裴粲弟衍字文

舒仕蕭寶卷景明二年始得歸國授通直郎衍欲辭

朝命請隱嵩高又云贈使特節車騎大將軍司空相

州刺史蓋其隱時與生禪師有舊也碑文宗為家寫

為寫軌為軌拊為搯東為東殿為殿度為庶險為嶮

館為館飭為飭絜為潔航為航皆別字云對嶽山之

掘列列當是紐字又云潺流澗瀨澗即澗字正文三

倉云澗汙灑也江南言澗山東言瀦以今方音定之

亦信為澗字顧炎武以為潛字之俗非也又云預捨

一豪豪彡从毛用古字中州金石記

右中岳嵩陽寺碑碑立於天平二年而文云仰資皇

帝聖歷無窮國境寧泰太后德被蒼海永保仁壽攷

孝靜帝以清河王世子嗣大統而清河王未有尊號

胡妃亦無太后之稱前朝諸后或已歿或別嫁不識

此所稱太后何人也碑書馴獸為巡獸汪洋為汪庠

此古字之通用者若東作東樂作樂則違六書之旨矣天平東魏年號潘氏金石文字補遺題為北齊者誤潘所錄本以補顧氏之闕此碑顧氏已載而復收之亦失於檢點也

潛研堂金石文跋尾

碑在會善寺廢戒壇字多漫蝕予今收得舊本復次其文云大德沙門生禪師隱顯無方沉浮崧嶺此山先來未有塔廟禪師卜茲福地創立神場當中岳之要害對眾術之樞牙司空公裴衍昔在齊都欽承師德願歸中國為寺壇主本願既從雲歸表節魏書列傳衍字文舒仕蕭寶卷至陰平太守景明二年始得

歸國授通直郎衍欲辭朝命請隱嵩高碑所謂雲歸表節實與傳合也衍後歷顯仕北討葛榮軍敗見害贈使持節車騎大將軍司空相州刺史今碑稱司空公者舉其贈官也後稱禪師大弟子沙門統倫豔二法師各窳兩塔仰副師願沙門統者魏制縮轄僧眾之名釋老志沙門統惠深上言是其證也

授堂金石跋

按碑云司空公裴衍攷北史裴叔業傳叔業兄子衍仕蕭寶卷為陰平太守景明二年歸國請隱嵩高上表詔許世宗之末出山干祿肅宗除建興太守河內太守孝昌初蕭衍將曹敬宗寇荊州詔衍

救荊州大破之除使持節散騎常侍平東將軍假  
安東將軍北道都督鎮鄴西之武城封安陽縣開  
國子食邑三百戶相州刺史安樂王鑒叛逆告變  
詔衍討平之除撫軍將軍相州刺史假鎮北將軍  
北道大都督進封臨海縣開國公增邑千二百戶  
仍詔衍北討葛榮軍敗見害贈使持節車騎大將  
軍司空相州刺史衍之歷官始末如此蕭寶卷卽  
齊廢帝嗣立之初建元永泰次年改元永元三年  
爲魏宣武帝景明二年是年衍歸國請隱嵩山至  
出山之年在世宗之末入仕之始在肅宗初年則

其在山有十五六年之久矣又十年爲孝昌初元  
遂有荊州之救三年有安樂王鑒之討是冬十二  
月歿于葛榮之戰下距天平二年立碑之歲又隔  
八年碑述倫豔二師更卓雙塔之功而推原生禪  
師勅建之始因追溯司空公檀主之力也碑書不  
必論其玉拙北朝隸體自多如此文云顯皮紙骨  
筆之重語本洛陽伽藍記碑立於天平二年文稱  
仰資皇帝聖歷無窮者孝靜帝也太后德被蒼海  
者攷靜帝時無太后此稱太后似指臨朝稱制之  
宣武靈太后然出帝時已沈於河矣所未詳也金

石存謂築立分稟蓋不可識築卽築字印反寫耳  
分稟口塼更寧兩塔詳玩其意稟卽稟字又卽稟  
字廩通塼字坎塼不平也分稟者謂平其坎塼營  
其塼塼而建兩塔也又云以僧坊爲僧房碑中有  
房字兩見此似非以坊爲房仍是寶坊之義耳惟  
徧軟之徧蓋馥之蓋甚不可識對眾術之樞牙中  
州金石記釋作樞紐字形不類授堂金石跋釋作  
樞牙恐亦未確存疑以俟攷

比邱洪寶造像銘

石高四尺六分廣九寸三分上截  
像下截銘九行行二十七字正書

夫審真靡廓妙絕難測非言莫能宣其旨非像無以表  
其狀言宣二六之教像跡四八之瓏豈不淵囑冲漠魏  
巍惟極者哉是以務聖寺檀主張法壽能於五蓋重羅  
之下契斷恩愛塵勞之緡網於熙平二年捨宅造寺宿  
願暫豫福不止已頽度法界尋其羅絡情苞聖境自非  
藉回積劫莫貴累世者孰能發茲宏闊願行者焉息榮  
遷循和行慈仁孝世習精懿志慕幽寂妙真遐願刊石  
建像釋迦文佛觀音文殊仰述亡考平康舊願復於像  
側隱出无量壽佛福洽法界考妣等神捨茲質形悉口  
稟淨境同曉薩雲覺道成佛

大魏天平二年歲次乙卯四月十一日比丘洪寶銘

按此碑務聖寺比丘洪寶為檀主張法壽捨宅造

寺其息榮遷循和刊石造像因作銘以記其功德

也北碑多以子為息云息榮遷循和者殆法壽之

子也熙平二年捨宅天平二年刻銘是在造寺之

後十九年矣洪寶庸僧文字皆不足深論

司馬昇墓志銘

石高廣均二尺一寸五分二十六行行二十一字正書今在孟縣段曲村張方典家

魏故南秦州刺史司馬使君之墓誌銘

君諱昇字進宗河內温縣孝敬里人也其先晉口帝之

苗稟曾祖彭城王禮金聲於晉閣作蕃牧於家邦祖荆

州才地孤雄震玉譽於江左來賓大魏為白駒之客始

踐北都逢授待中使持節征南大將軍開府儀同三司

十州諸軍事封瑯琊王後遷司徒公父口口口鎮割隴

西開右著唯良之績君慕帝王之資憑萬乘之屬夙慧

早成絕於群輩君志性貞明稟掾鯁直又能孝敬閨門

肅維九族鴻才峻邁聲溢洛中以孝昌二年釋褐太尉

府衛叅軍又除懷縣令雖牛刀耻雞且錦遊邦里莅政

未幾禮教大行君臨茲百里承流敷化故能申述典謨

奉遵皇猷使盜息如紆藏令行如禁止懷邑之民咸稱

良翰方縻好爵而窮仕路極纓寬以官王寮如天道無  
徵弔善徒言邁疾一朝哲人云亡以天平二年歲次乙  
卯二月廿一日春秋卅有一薨於懷縣贈使持節冠軍  
將軍都督南秦州諸軍事南秦州刺史以其年十一月  
七日葬於溫縣但以日月不停遷窆有期墓門刊誌勒  
銘泉屏其詞曰

盛矣終源發業晉軒隴西之子瑯琊之孫如冰斯潔如  
玉之溫注賢謝美今儻何言慕武彭城承流全晉萬乘  
之冑龍德之靈辰極方高蒼海比潤崇基卓立鬱矣孤  
峻少播令問弱冠飛聲克在集譽讚彼槐庭 帝嘉明

德作邑懷城義風炯舒道化雲行才明不壽自古在元  
顏生二九萎哲殲賢之子之亡如仕之年永辭白日暮  
歸黃泉遠送平原塋於溫縣隴樹冬寒夏凝霜霰勒銘  
德塋誌其鄉縣萬歲千齡誰聞誰見

右司馬昇字進宗墓誌銘其曾祖祖父誌不著其名  
魏史亦無司馬進宗之傳姑以誌中所云祖荊州來  
賓大魏授侍中使持節征南大將軍開府儀同三司  
十州軍事封瑯琊王遷司徒公考之則其人爲司馬  
楚之按魏書司馬楚之傳略云晉宣帝太常楨之八  
世孫父榮期爲梁益二州刺史遭變楚之送父喪還

值劉裕芟夷司馬戚屬亡依從祖制州刺史休之及  
休之爲裕所敗楚之收據長社後降於魏魏假楚  
之使持節征南將軍荊州刺史後劉義隆入寇以楚  
之爲安南大將軍封瑯琊王屯潁州距之破其諸軍  
以散騎常侍徵還尋從征涼州蠕蠕拜假節侍中鎮  
西大將軍開府儀同三司雲中鎮大將朔州刺史王  
如故薨贈都督梁益秦寧四州諸軍事征南大將軍  
領護西戎校尉揚州長史謚貞王云云據此盡與誌  
中所言相應惟缺遷司徒之文耳然又按庾開府集  
周大將軍司馬裔碑文云曾祖楚之入魏授平南大

將軍荊州刺史襲封瑯琊王又授使持節侍中安南  
大將軍開府儀同三司者與晉史及此誌略同至其  
載楚之卒後贈征西大將軍都督梁益秦寧荆兗青  
豫郢洛十州諸軍事揚州牧謚貞王者則尤與碑所  
云十州諸軍事遷司徒公者相合再考魏書北史楚  
之外亦無有官職封爵似此者此以知其爲楚之無  
疑也然魏書謂楚之父榮期爲梁益二州刺史遭變  
而庾開府集司馬裔碑乃謂曾祖楚之爲晉太傅錄  
尚書揚州牧會稽文孝王之次子元顯之幼弟元顯  
見害之後桓氏篡逆之初容身屠釣收合餘燼入魏

云云則是謂楚之父爲司馬道子與魏書所書楚之  
父爲司馬榮期者不合又庾碑所言司馬道子爲會  
稽王卽晉書所云道子爲簡文帝之子出後瑯琊王  
改封會稽王者與此志所言進宗曾祖彭城王者亦  
不合按此誌所云曾祖彭城王者乃或卽魏書所謂  
司馬榮期考晉書宗室傳彭城王權子植植子釋釋  
子雄雄坐奔蘇峻更以釋子紘嗣紘子元元子宏之  
皆襲封彭城王更以魏書楚之傳所云太常煊八世  
孫推之則楚之父榮期與彭城王宏之爲昆弟輩行  
或與宏之同出于元或出于元之弟俊皆未可知然

俱爲彭城王權之後雖嗣世封王者爲元但榮期守  
土遭變意當時必贈以王爵又以其爲彭城之後或  
卽贈彭城王故誌卽以曾祖彭城王稱之則彭城王  
之稱其於榮期亦近似者究之此誌所云祖荊州者  
斷爲司馬楚之無疑特於曾祖不著其名或則以榮  
期慘遭禍變故不忍正著其名耳至庾碑著楚之所  
生與魏志不合之處更以侯博雅考焉又誌言父鎮  
剖隴西關右著唯良之績者按魏書楚之二子長寶  
允次金龍次躍龍寶允仕至鴈門太守金龍躍龍俱  
至尚書今此誌云著唯良之績亦似指寶允而言蓋

引用太守故實則其非金龍躍龍可知特隴西關右

與鴈門不合或寶九前嘗官於彼而後守鴈門亦未

可知耳又魏書金龍三子長延宗次纂字茂宗次悅

字慶宗則或名或字皆與進宗之字相似轉疑名延

宗者之亦為其字而史失其名耳然則進宗為楚之

之孫殆無疑矣進宗作令桑梓有惠政可傳也孟縣志

按碑所述先世孟縣志攷證已極詳明碑稱曾祖

彭城王祖荆州但書爵書官而不書名與高湛碑

同是當時誌銘之一例父字下缺三字想亦是官

位可知使君温縣人而官懷縣令二縣同屬河內

故云錦遊邦里也盜息如姦藏令行如禁止兩如

字皆當作而字讀纓寃當是纓冕別體字薨於懷

縣是卒于官也縣令卒而書薨是不拘于公侯之

卒稱薨者矣

王方略造須彌塔記

記高廣皆一尺三寸五分十二行行十二字正書其  
第八行至十一行上中間有龕穴長五字許在偃師

縣古  
聖寺

大魏天平三年歲次丙辰正月癸卯朔合邑等敬造須

彌塔一壘仰為皇帝陛下師僧七世父母所生父母因

緣眷屬後為過地祇生常與善居彌勒三會唱在初首

下生人間侯王長者合邑諸人所願如是

教化主王方略

邑師法顯

邑師道寶

比丘道景

比丘僧惠

賈仲 郭阿

石口曹和 唯邨劉口口

碑中有佛像長六寸記字畫鋒穎透露可想見六朝筆勢碑在偃師北十八里古聖寺此寺意即魏時所

立縣進士武君億得于土中急置寺壁手拓其文寄

予 中州金石記

比邱屋臺會造像記

記橫廣八寸高三寸十行行四字五字正書

天平三年五月十三日比丘屋口口臺會口口阿容口

口自為己身陔僧眷屬造觀世音像一區并及有形共

同斯福

高湛墓誌銘

石高一尺六寸廣一尺五寸七分二十五行行二十七字正書今在德州封氏家

魏故假節督齊州諸軍事輔國將軍齊州刺史高公墓

誌銘

君諱湛字子澄勃海滌人也靈根遠秀啓慶兆於渭川  
芳德遐流宣大風於東海作範百王垂聲萬古者矣故  
清公勢重鄭伯捐師元卿位尊管仲辭禮皆所以讓哲  
推賢遠明風軌祖冀州刺史勃海公文照武烈望擲中  
夏惠治朝野愛結周行孝侍中尚書令司徒公英風秀  
逸雋氣雲馳刺顧帝鄉威流宇縣君稟慶緒於綿基挹  
餘瀾於海澳幼尚端凝長好文雅非道弗親唯德是與  
逍遙儒素之閒慕申穆之遺風俳佻文史之際追牧馬  
之逸藻至於擧春灑翰席月抽琴邁昔哲以孤遊超時

流而獨遠熙平啓運起家爲司空參軍事轉揚烈將軍  
羽林監天平之始襄城阻命君文武兩兼忠義奮發還  
城斬將蠻左同歸朝廷嘉其能縉紳服其義倣驩驪將  
軍行襄城郡事君著績旣崇賞勞未允尋除使持節都  
督南荊州諸軍事鎮軍將軍南荊州刺史於時僞賊陳  
慶率祗攻圍孤城獨守載離寒暑終能剋保邊陲全怙  
民境復除大都督行廣州事享年不永春秋卅三元象  
元季正月廿四日終於家 皇上動哀能言灑淚迺有

詔曰故持節都督南荊州諸軍事倣鎮軍將軍揚烈  
將軍員外羽林監行南荊州諸軍事南荊州刺史當州

大都督高子口識用開敏氣幹英發擁攝蕃翰誠効尅  
宣臨難殉軀奄從非命言命遺績有悼于懷宜申追寵  
式光注烈可贈假節督齊州諸軍事輔國將軍齊州刺  
史粵元象二年十月十七日遷葬於故鄉司徒公之塋  
千秋易注萬古難留故鑄石泉門以彰永久其詞曰  
丹到降社姜水載清大人應期命世挺生垂竿起譽罷  
鈎流聲經綸宇宙莫之與京靈司下蕃公衡上宰旣顯  
營丘復擲東海四履流芳五城降綵繁柯茂葉傳華無  
改伊宗作輔忠義是依清盪昏霧橫掃塵飛日月再朗  
六合更暈玉帛斯集福祿終歸仁壽無遠積善空施風  
酸夏草霜結春池岷山墜玉桂樹摧枝悲哉永慕痛矣  
離長

乾隆己巳秋德州衛第三屯運河決東岸岸崩得此  
石文字尚全宋蒙泉弼編修以予嗜金石刻也遣人  
搨一本見貽惜高君之名不見於魏史碑文有尋除  
使持節都督南荊州諸軍事鎮軍將軍南荊州刺史  
按魏書地形志有荊州有北荊州無所謂南荊州者  
而攷通鑑所載是時東魏尚有東荊州西荊州亦皆  
志所未載蓋其時干戈搶攘僞置州名甚多史家不  
能詳也元象二年卽興和元年據魏書本紀是年十

金石錄卷三  
一月癸亥改元碑建於十月故猶稱元象碑不書湛  
祖父之名或云當是高肇之子肇為尚書令遷司徒  
肇父颺贈渤海公與碑官位頗合但本傳無湛名未  
敢定也湛有臨難捐軀之節宜見於史不幸與齊文  
襄武成同名殆作史者避齊諱故并其事沒之乎千  
載之後陵谷變易而留此一片石以顯湛之名不可  
謂非幸矣而其死於何人之手碑亦諱而不書使人  
讀其文而不詳其殉難本末則又湛幸中之不幸也

潛併堂金  
石文跋尾

志云勃海滌人也滌即脩字周禮司尊彝凡酒脩酌

注云脩讀如滌是也

漢蔡湛頌蕭滌而  
雲消蕭滌即蕭條後漢郡國志

勃海郡脩縣故屬信都前漢地理志信都國脩縣顏

注脩音條周亞夫傳封條侯顏云縣在勃海地理志

作脩字其音同爾

漢劉衡碑除脩令詩曠其  
脩矣釋文云脩本或作脩功臣表

亞夫紹封脩侯顏注云脩讀條馥案地理志勃海郡

無脩縣有脩市縣應劭音條亞夫所封乃脩縣非脩

市也顏不稱信都而屬勃海似誤蓋脩縣自後漢始

隸勃海此志以滌屬勃海自不誤晉勃海郡有脩縣

元和郡縣志云本漢脩縣晉改條為脩然功臣表已

作脩字惟亞夫傳作條耳誌中驩驤將軍驩字從馬

余在洛陽得銅印文曰驪驤將軍章字亦從馬案魏

書世祖紀始光二年初造新字千餘頒下遠近永為

楷式驪即新造之一也

桂馥

右碑錢辛楮少詹論之甚詳湛字子澄孝靜詔字而

不名尊之之意亦制詔異例也碑字秀勁為唐時虞

褚諸家所本其中滌人即修人古多通用至標作擗

蚪作蚪稟作稟瀾作瀾翰作翰席作席龍驤作驪驤

旅作旅象作象及从不與从丩互用皆六朝人好異

故變其體耳末句離長二字倒書碑未改正

山左金石志

按此碑正書每字界方格筆法秀勁文字完善其

損者僅詔語中高子澄之澄字耳魏書地形志有

三荊州一曰北荊州武定二年置領伊陽新城洩

北三郡一曰荊州太延及太和中置領南陽順陽

新野東恒農漢廣襄城北清恒農八郡一曰洛州

注云太延五年置荊州太和十一年改洛州治上

洛城領上洛上庸魏興始平葭和五郡北荊州置

于武定二年在元象二年之後當高湛之世既無

所為北荊州則但有一荊州而已或者洛州之地

舊有荊州之稱當時因目洛州為南荊州亦未可

知當孝靜帝天平三年四年之間洛州上洛一路

高敖曹與西魏寶炬交攻至四年十月寶炬行臺  
宮景壽都督楊白駒寇洛州又遣其子大行臺元  
季海大都督獨孤如願逼洛州又遣其都督趙繼  
宗右丞韋孝寬等攻陷豫州碑所謂偽賊陳慶率  
旅攻圍孤城獨守載離寒暑似卽指此事其時距  
元象元年高君之卒未久也玩碑云終能克保邊  
隍全怙民境則南荊州城不失也復除大都督行  
廣州事是事定而遷官也元象元年正月廿四日  
終于家是非臨陣捐軀也孝靜詔語謂臨難殉軀  
奄從非命者似追叙其孤城獨守時事或受傷而

歸耳元象二年十一月改元興和湛以十月葬故  
尚稱元象二年孫觀察星衍六朝金石記此碑有  
季雉跋云銘詞六合更暈與依飛爲韻是暈卽暉  
字說文有暉無暈新附妄增之又馬八尺以上爲  
龍說文作駝六朝人因造爲驩字

敬史君碑

碑高六尺八寸廣三尺五寸二十六行每  
行五十一字正書在長葛縣陘山書院

禪靜寺刹前銘 敬史君之碑

公名口字顯儁平陽泰平人蓋虞舜之苗寰田敬仲之  
後也舜有康哉之唱敬有和鳴之應德徽書史道合無

名自茲以降世阜哲人龜組繼襲英聲不朽公資黃中  
之雅氣稟川岳之粹靈苞一德於懷抱淵萬頃於何衿  
摻節端華風神雅峻博學多通無所成名振徽音於綺  
歲播九德於冠年豈伊一日千里寔曰王佐之才解褐  
奉朝請於時女石稱制權移外感黨樹私門謀危王室  
公乘義發憤肆忠奉國結思公河西之略咨義真折角  
之恥掛冠辭闕杖劍歸鄉屣步方州翹心日角孝莊統  
籟攝履還朝 帝嘉迺功用優勲賞封秦平縣開國子  
除晉州別駕永安云季元兇伏罪殘醜遺燼更相鳩率  
始資賈誦之計終成李郭之舉責罪宣平交兵象闕長

戟百万胡騎千群 大承相勃海王德隆齊晉作牧唐  
都志存匡合克剪封鯨以公器宇淵亮民望所歸特申  
情抱委以經謀公深識時權因計強弱豹變從時應機  
而起毗文贊武專按劍之功帷籌野戰叅斷鰲之力長  
虵旣勦龜鼎惟新策勲有典或酬功效進封永安侯食  
邑千戶拜車騎將軍度支尚書俄遷都官尚書公位居  
省闕職在樞機竭忠奉上庶情求瘼獎進英賢糾廢奸  
慝宿滯必申頽綱由整令 上德配靈黃融齊日月鑒  
殷徒御未遑外畧秦隴放命乘此彘凌駟率戎虜擾我  
生民汾晉邊遐偏被其毒惟捍所寄事符賢桀迺以公

爲汾州刺史尋轉晉州刺史車騎侯如故公乘麾出關  
佩錦歸鄉明賞罰以勸元戎敷仁澤以字黎庶乘機迭  
出智勇兼奮口聿未周紆深遁跡百城婦樗四民歸堵  
敢飯之嚙不息安居之詠更新雖李牧御邊細侯治雒  
不能尚也又燕司失馭編荒作逆連黑山之衆峙黃巾  
之勢縱橫海表陸梁幽冀震威 皇衷命公是討公運  
六奇於帷幄忘七尺於戎行探淮陰平趙之畧協段穎  
破羌之謀廣張旗幟厲怒三軍紛紜馳突遂夷兇醜凱  
旆而歸增隆寵秩拜儀同三司韓地邊嶮繡連蠻楚夏  
風微改影僞成俗密人不恭鴉張喉嚨點虜口資玩威

疆場歷政爲鯁莫能芟遏百姓彫傷流離畧盡 天子  
悼兆民之荼炭惟邊祏之須才終朝忘食夜分不寢以  
公畧不世德効累彰除殘拯溺非莫可加拜驃騎大將  
軍潁州刺史大都督潁州諸軍事儀同三司開國如故  
公深惟臣辱職不求易悟遇艱根薄言來踐輕賦斂以  
阜民財勞止振以招賢俊嚴治烽候宿拔輕肥摧火或  
舉豹騎爭先鬼出電入梟囚乃計賞不論功罰必當罪  
人物輻輳纒負雲歸玉燭登年絃歌不息亦旣芟夷世  
難功濟生民復惟舟梁苦海運茲迷溺敬崇三寶翹翥  
九劫望維衛以虛心念毗耶而延佇此地寔爲高敞眺

實遐隆遠乘山岳邇帶池閣惟金剛之妙宅諒神基之  
淨土故平陽太守潁川太守使持節秦州刺史梁洪雅  
攝情物外宅志道場爰建精廬鬱茲形勝水火亟交季  
歲徼積龍宮梵室彫落朽故公廼勉率僚佐肅心營造  
遠訪名工窮盡巧麗建七層之寶剎寫雙樹之光儀金  
瓊壘照朱紫聰華長輝四密廣夏清疎名僧遠萃大法  
津流憑此至誠仰願 皇帝陛下祚隆天地齊光九劫  
化漸三塗率偕四果口日誓勗順終如始有滅有生無  
虧八万之回無生無滅濟此娑婆之苦湛露易晞貞剛  
惟久或裁金石永昭不朽作頌曰 惟聖之後達者克

昌代縮珪組世有蘭芳挺茲明德隆贊甯王齊鑣管范  
閑步蕭張弱齡聰瑄岐年秀發藉蔭聖童徇齊初月疾  
惡如風趣善如躡百行斯兼三省無闕作牧西蕃君臨  
南甸荒服來庭鯨鯢由剪政行保郇化貊絲口大啓干  
乘職聯三鉉發揚拯屢開職道矇飛甍架雨寶剎分虹  
月光照曜日映玲瓏業茲世福永樹來功

新除使持節都督潁州諸軍 事驃騎將軍潁州刺

史當州都督崔叔仁

施地檀越故潁川太守王儒

檀越元囿鸞施地作拾畝

檀越口景和儀和施地卅畝

檀越朱景略息恩和施地廿畝

維大魏興和二年龍集庚申

碑陰

碑陰分六列第一二三列各三十行四列五行五列二十八行六列六行並正書

邑子中軍將軍潁州長史宋果 安東將軍銀青光祿

大夫潁州督府長史趙勲之 持節鎮南將軍潁川太

守高冲 持節假征西將軍太中大夫陽翟太守敬鴻

顯 持節假安東將軍許昌太守呂道興 陳留太守

敬忻小郎君敬清奴 州錄事參軍敬遵顯騎兵敬穆

州別駕薛宗邑子長流袁孝則 州治中崔叔亮邑

子外兵柴軌 州司馬崔子玉 邑子外兵王貴 州治

中毛集邑子州散騎楊業 州治中敬伏護邑子散騎

匡乾 中軍將軍敬景儁郎中郭延買 中兵敬乾歡

潁川郡承孟延和 主簿敬頰 中兵參軍薛利 主

簿敬子瑜 功畧參軍薛畧 鎮城樊後興 集曹參

軍李弁 葺社令魏候 都督井盆 許昌令楊悅

都督敬世 臨潁令郭叔 都督郝冲 潁陰令柴興

都督劉湖 許昌令柴儁 都督敬环 隱陵令孫

祖 都督裴祥 扶溝令張靜 都督索閣 州都陳

始和 都督薛賓 州都郭惠託 都督伏愛 州主

簿陳延 都督陳揆 中兵梁蕭景 都督王和 長

流胡長儁 都督思和 鎧曹賈思慶 都督王顯

以上第一列

司馬彭預 都督王遷 都督張賓 都督李柱 都

督廉翫 都督王榮 都督趙环 都督韓畧 都督

韓章 都督薛琰 都督元志 城司魏孫 士曹李

遠 默曹姚泰 士曹宋孫 功曹詭卓 門下程遠

祭酒唐慕 祭酒元源 祭酒孫欣 西曹石慕

西曹楊环 主簿張秀 主簿趙安 邑子姜思賓

邑子姜始宗 邑子龍伯達 邑子龍讚 邑子李遵

邑子和祖

以上第二列

中堅將軍潁川驃大府倉曹參軍向邕 許昌太守趙

文光 謝遠 民望沈清 州主簿別駕陳遵 趙亮

民望孫獻 郡功曹陳敬 都民望陳樹 民望許容

邑子陳始明 民望陳世用 民望藥琰 都督陳胡

民望孫世通 長史荀樂 都督王揆 民望宋大

業 民望趙环 都督靳輝 民望孫騰達 民望李

愛 都督介歡 民望姜江环 騎兵朱海 都督張

艷 民望趙龍光 月令戴翔 都督許祖 民望劉

元才 西曹馬超 都督趙遵 民望許天扶 錄事

董景 都督徐延 民望韓次賓 民望許寶 □□

□賓民望孫陽爾 省事趙謙 都督□鞅 民望孫

長和 道人惠哲 都督□祖 民望孫法疑 西曹

張徽 博士□化 民望張永洛 李臺尉姨 都督

敬難 民望韓係叔 司馬王貝暉 都督毛季業

民望韓海□ 外兵司馬景 都督萬孟津 民望趙

方達 外兵王景嵩 都督孫承明 民望仇猛庸

帳內王鸞海 都督王遵賢 民望聶保壽 民望劉

彥始 都督王買 助教聶染庸 黨司徒始隆 五

宦成勇沈貴遠 蔡萇洛 邑子韓長茂 民望伏生

類當世 毛仲賢 都督敬文賢 民望景嵩趙永隆

屈伯奴 丘哲 王軋 長流張尚尹洛祖 吉苟

子 趙常 鍾遵 民望力和韓道顯 馬伏貴 張

穆 閻翔 民望艷明麟麟國 王叔尔 龍顯 閻

軋 邑子王仕元邑子成淵 胡女休 韓亮 焦弁

以上第三列

衆軍賈充 民望宋方 隊主石猛 邑吳成奇 黨

許洪朗

以上第四列

持節假征西將軍平西將軍陽翟鎮將帶陽翟太守晉  
 州平陽郡晉秋鄉吉遷里人敬鴻顯 穎州沙門統慧  
 元 穎州沙門統曇元 司州沙門統道鐔 陽州沙  
 門統道慈 穎州沙門都道業 穎州沙門都慧範  
 穎州沙門都智定 穎州沙門都曇佳 穎州大律師  
 靜遵 穎州沙門都僧雅 法師晉州都靈洪 法師  
 司徒寺慧辯 長社縣維那法嵩 張顯公寺主法敬  
 法師寧國寺曇愨 法師寧國寺法豫 法師丈八  
 寺僧慶 法師司徒寺僧景 元領軍寺主法興 臨

穎縣維那道顯 穎川郡維那僧度 許昌郡維那法  
 炬 陽翟郡維那道希 法師祖寺僧遠 敬公門師  
 慧哲 齋主白塔寺道場 前禪靜寺主智遵 前禪  
 靜寺主法榮

以上第五列

當營構寺主道智 營福都維那慧蓋 長兼都維那  
 慧生 長兼都維那靜意 長兼都維那道果 長兼  
 都維那道海

以上第六列

乾隆初年長葛民墾地得古碑剔之完好樹於陘山

書院按碑為北齊僕射永安侯敬史君顯雋功德撰  
銘揚厥休烈文雜儷體書則自晉趨唐為歐褚前驅  
居然古氣磅礴惜作者書者皆不叙名攷敬氏世裔  
出自陳公子完土居封爵俱隸太原而建利縞葛者  
則以僕射有平頽之功焉今北齊書本傳祇記其從  
高祖龍興功而其仕北魏女君稱制棄職肥遯孝莊  
帝時亦不得志乃杖策謁神武雖尺寸風雲亦可補  
史策之闕略矣考古者兼搜古今石刻豈徒寶其書  
與文哉後之好古者善護之又史傳名顯雋字孝英  
而碑則闕其名字顯雋亦微異云

沈青崖跋

右碑題禪靜寺刹前銘敬史君之碑乾隆己卯歲錢  
塘周君天度以戶部主事出知許州搨一本貽予讀  
其文蓋頌頽川刺史敬顯雋而作寺故頽川太守梁  
洪雅所建而顯雋修之曰敬史君者借史為使也顯  
雋齊書北史有傳北史云陽平太平人陽平蓋平陽  
之誤太平魏書地形志作秦平此碑亦稱平陽秦平  
與魏書合載顯雋歷官殊略以碑攷之釋褐奉朝請  
靈太后稱制棄官歸孝莊初還朝封秦平縣開國子  
除晉州別駕後從齊神武起兵以功封永安縣侯食  
邑千戶拜車騎將軍度支尚書轉都官尚書孝靜初

爲汾州刺史轉晉州刺史拜儀同三司驃騎大將軍  
潁州刺史大都督潁州諸軍事其次第如此而齊書  
所云羽林監行臺倉部郎中則碑無之蓋顯儁未嘗  
爲此官故北史亦不取也碑云公名空字顯儁而  
傳云字孝英蓋先以字行後乃別立字爾碑中別體  
之字如抱作抱后作后成作感綱作綱佩作佩儀作  
儀鴟作鴟壑作壑喜作喜聯作聯廊作廊服作服其  
它不能悉數也泰本从水碑从心蓋流俗之譌相承  
久矣碑陰題名有功曹中兵騎兵長流城局士曹鎧  
曹集曹默曹皆府屬官也諸曹不言參軍者省文也

隋書百官志有墨曹無墨曹然爲墨也有州都西  
曹祭酒門下省事皆州屬官也門下不言督亦省文  
也民望月令黨司二者其義未詳民望多至二十餘  
人蓋非職官之稱矣其云葭社令者借葭爲長也研

堂金石  
文跋尾

碑記顯儁歷官最詳按北齊書列傳云爲晉州別駕  
行臺倉部郎中轉都官尚書北史雖云歷任度支尚  
書封永安縣侯出內多歷顯官而已碑獨不及行臺  
倉部郎中宰相世系表又北齊僕射史又不載不知  
何也此碑以梁洪雅建寺顯儁重修故爲是銘後有

新除潁州刺史崔叔仁名碑字最謬不可勝舉其云  
百城旆櫂乃施柝異文弱齡駘瑄乃聰睿假音惟句  
衿作匈猶用冒字正文與篆法合陰列官將民望沙  
門名字所載敬氏之族甚多有主簿敬頻攷宰相世  
系表在顯儁上第三格云類後魏北絳太守乃是顯  
儁之曾祖不應于顯儁立碑時列名碑陰蓋或是族  
曾祖行而世系表誤分其格正直顯儁之上也

中州金石

記  
碑首行云禪靜寺刹前銘下空一字又云敬史君之  
碑一文兩題文義不通於碑之體或亦不合乃其文

則又斐然可觀乾隆三年長葛縣知縣許蓮峰於輿  
轡灣地中掘出頗完好共八九百字缺者止十餘字  
顯儁後仕齊北齊書北史皆有傳碑云公諱下空一  
字字顯儁而齊北皆言顯儁字孝英蓋或其名鄙以  
字行後別爲字此碑則未有字時立也齊云平陽人  
北魏地形志晉州平陽郡有泰平縣此但舉其郡碑  
云平陽泰平人皆是北云陽平太平人則誤矣陽平  
郡自治館陶屬司州也碑云解褐奉朝請時女后稱  
制權移外戚掛冠歸孝莊初還朝封泰平縣開國子  
除晉州別駕齊云初爲羽林監碑不言碑又云永安

云季元兇伏罪殘醜遺燼更相鳩率始資賈詡之計  
終成李郭之舉攻永安終於三年故云季是年誅爾  
朱榮故云元兇伏罪而賀拔勝爾朱世隆司馬子如  
爾朱拂律歸爾朱兆相繼攻洛故以李催郭汜爲比  
碑又云大丞相勃海王德隆齊晉作牧唐都志存匡  
合公涂識時雄罔計強弱豹變從時應機而起進封  
永安侯食邑千戶拜車騎將軍度支尚書俄遷都官  
尚書丞相謂高歡齊言初得歡以爲行臺倉部郎中  
碑皆無之碑又云今上德配口口融齊日月迺以公  
爲汾州刺史尋轉晉州刺史又拜儀同三司加驃騎

大將軍潁州刺史大都督潁州諸軍事今上謂東魏  
孝靜帝潁州地形志孝昌四年置武泰元年陷武定  
七年復是也齊云從高祖平寇難之三以下則皆立  
碑以後事矣

蛾術編

碑題禪靜寺刹前銘敬史君之碑其稱史君者顯儁  
爲潁州刺史也禮雜記客使自下注使或爲史漢書  
霍光傳使樂成小家子師古曰使者其姓也字或作  
史因知史與使二字古可通用也顯儁歷官北史本  
傳稱從神武信都舉義歷位度支尚書以功封永安  
縣侯河清中卒於兗州刺史齊書本傳爲羽林監高

祖啓爲別駕行臺倉部郎中轉都官尚書二書所載  
畧異然以碑證之蓋於孝莊初封泰平縣開國子及  
拜車騎將軍孝靜初爲汾州刺史轉晉州刺史拜儀  
同三司驃騎大將軍潁州刺史大都督潁州諸軍事  
皆未及也

按堂金  
石跋

按碑述其先世云虞舜之苗裔田敬仲之後蓋敬  
本媯姓陳厲公子敬仲之後通志氏族畧所謂以  
謚爲氏也漢有敬韶官揚州刺史歐公得其碑文  
字磨滅惟其初有敬仲二字遂目爲敬仲碑載集  
古錄然則敬氏叙碑皆推原於敬仲也又据金石

錄敬君像頌跋云敬君名曦顯雋從弟十世祖漢  
揚州刺史韶按後周書敬珍傳唐書宰相世系表  
皆云韶漢末爲揚州刺史而姓苑與元和姓纂皆  
作歆疑轉寫之誤又據碑顯雋乃韶十世孫而姓  
纂以爲九世亦誤也云云据此則顯雋之十世祖  
乃韶也碑紀敬史君歷官云解褐奉朝請於時女  
后稱制者指魏宣武帝靈皇后胡氏也大丞相勃  
海王德隆齊晉作牧唐都者指大都督晉州刺史  
齊獻武王封勃海王中興元年爲侍中丞相高歡  
也碑立於興和二年庚申計自解褐之初至此首

尾僅十三年立碑之意專紀其都督潁州時政蹟而尤重其營造禪靜寺之功德也潁州刺史崔叔仁是立碑之主故特列銜名於頌後此後列施地檀越姓名不與碑陰同列者重其施地之功也以件拾畝為五十畝件伍通用也碑多別體字如宿掾輕肥之掾字玩文義疑卽裝字移置也噉飯作敢飯或是省文塗炭作茶炭或是通用高敞作高敞則筆誤矣碑陰列一百四十餘人而敬姓者十四人獨敬鴻顯既列於第一列之第四行又列於第四列之末行前作鴻顯後作鴻顯前銜但云持

節假征西將軍太中大夫陽翟太守後銜則云持節假征西將軍平西將軍陽翟鎮將帶陽翟太守此下云晉州平陽郡晉秋鄉吉遷里人不知與史君同里居否也敬清奴稱小郎君殆陳畱太守敬忻之子也碑中有民望有都民望想皆郡人之著者有外兵有帳內皆軍營之職隊主疑卽隊主亦軍職也有沙門統有沙門都有道人想皆僧職也慧哲僧也而稱之曰敬公門師殆為史君所尊禮也曰營福都維那曰長兼都維那皆他碑所未有者助教聶染虎染當是染字卽七虎也其曰李臺

對姨曰吉苟子命名之義不可曉曰黨司徒始隆  
曰五官成勇沈遺遠曰民望伏生穎當世曰民望  
力和韓道顯曰邑侯成奇曰黨許洪明曰齋主白  
塔寺道場義亦未晰曰民望聶保壽曰焦弁曰長  
社縣維那法嵩字有不可識者或疑長社卽長社

金石萃編卷三十終

金石萃編卷三十一

賜進士出身 誥授光祿大夫刑部右侍郎加七級王昶謨

東魏

李仲璇修孔子廟碑

碑高七尺四寸五分廣三尺六寸二五五行行五十一  
一字正書兼隸額題修孔子廟之碑六字篆書今在  
曲阜  
孔廟

粵若瞽古 穀后欽明文思衡宰邁德丕顯九功咸事

故能庸勲親賢官方式敘 惟大魏徙鄴之五載 皇

口興和之元年天子口咨夤賓出日寔唯濟岱宣風敷

化義屬英良以君理思優敏實惟舊德昇朝技民物望

金石錄卷三十一  
斯允必能絃歌鄒魯剋檄斯□□制□□冊拜我君公  
使持節都督兗州諸軍事車騎大將軍當州大都督兗  
州刺史君姓李字仲璇趙國柏仁人也其先帝高陽之  
□褒柱史之靈左車之綿緒瑤光休彩赫奕於上齡若  
木嘉祥蒺藜於季葉君以資解褐奉朝請俄除定州平  
北府法曹參軍仍□□□功□諮議參軍事定相繼三  
亦與史東郡汲郡恒農三郡太守司徒左長史中散太  
中大夫營構都將繼兗二州刺史所在恩□遺訓在民  
□□□地□貞馥不移君鳳舉雲翔風期如一斯寔  
同悒然不樂思仁未深刑平惠和言

爲得□□□□寵□□榮奕葉重光之貴氣韻優峻  
之奇政績緝熙之美旣備於史傳與清頌故不復詳載  
焉君神懷疎爽風度絕□學業□□源竝深趣操□□  
松俱秀故其隸兗部也嘗未浹旬言覲孔廟肅恭致誠  
敬神如在遂軻車曲墀飲馬沂流周遊眺覽尚□伊人  
□□慨然有報功□□之意乃命工人脩建容像孔子  
曰從我於陳蔡者皆不得及門也因歷敘其才以爲四  
科之目生旣見從沒□□待故顏氏□□□於易辭  
起予者高紛紛綸於文誥是則聖人之道須輔佐而成故  
曰吾有由也惡言不聞於耳所以雕素十子□□其側

今於□□□□奉進儒冠於諸徒亦青衿青領雖逝者  
如斯風霜驟謝而淪姿舊□□似還新至如廟宇凝靜  
靈姿嚴麗□□之□無以踰七□之房不能出夫道繫  
於人人亡則道隱斯大義以之而乖微言以之而絕今  
聖容肅穆二五成行丹素陸離□□□□□□微咲  
而□言左右若承顏而受業是以覩之者莫不忻忻焉  
有人室登堂之想斯亦化□□一隅也天誕聖哲作民  
師□□風□闕里播□□洙泗至於歎鳳鳥之寂寥傷  
河岳之莫出屢應聘而不遇知道德之不行乃正雅□  
脩春秋刊理六經懸諸日月□□載之□莫不遵□義

以述作服其訓以成身浴可謂開闢之儒聖無窮之文  
宗者矣此地古号曲埠是唯魯都雖宮觀荒毀臺池□  
□然其廟庭也蔚□林於九冬單脩柯於百刃類神栝  
之侵漢同梧宮之巨圍至夫鴻隨秋下則月秀霜枝鷓  
逐春來亦風開翠葉既□□□□亦足以安樂聖靈  
是以無代不加脩繕謫億載以寧神君清明在躬精思  
入微功被人神德貫幽顯豈唯營飭宣質經期□□□  
□□□如虔脩岱嶽崇奉靈宗敦素翦華興存癡絕視  
民如傷納之仁壽體亡懷以幽詣任万物以爲心豈直  
靈津孤灑虛光獨散者哉夫一月之明可影百川一人

之鑒從橫萬趣爰自刺舉未或斯同然丹青所以尙盛  
□金石所以刊不朽□□不鏘珉瑤焉述府州佐□□  
□□令士民等略序義自樹碑廟庭俾後來君子知功  
業之若斯焉乃作頌曰

二儀肇泮人倫攸舉遐邇靈王誕茲聖緒祖習堯舜獻  
章文武聲溢九天化潭八字祖習□□聖神盡妙化潭  
伊何□□存教□同麗景搏天孤昭無異岱宗巖巖特  
峭重山隱寶深霞祕暉在哀之葉自衛言歸德生於子  
文實在茲彝倫禮樂剋敘書□□□驚異灰管流氣良  
木其摧緬踰千祀以存恕亡允諸靈意不有伊人熟云

脩置唯君體道布政優優白鳩巢室赤雀西樓仁罔不  
脩習□□周器冠後栝風邁前脩旣繕孔豫復立十賢  
誠兼岱宇勤盡重靈仰聖儀之煥爛嘉鴻業之嬋聯長  
無絕于終古永萬□于斯□

興和三年十二月十一日功

碑陰

碑陰共三十九行前七行在額後三十二行俱  
在上截其下截無字每行或一人或二人正書

鎮遠將軍倉曹參軍蓋子華

前將軍功曹參軍屈儁

征虜將軍錄事參軍李良賓

征東將軍壽陽子司馬時老生

征東將軍長史崔珣

冠軍將軍別駕從事史順陽子張敬賓

鎮遠將軍治中從事史魏子良

以上在額後

輕車將軍典籤王遵

寧遠將軍典籤□□

闕員外奉都尉滕子充

揚烈將軍新陽令攝典籤衛恩

伏波將軍員外給事中丁貴賓

冠軍將軍長流參軍劉孝遵

中堅將軍前平原令郟靜和

明威將軍長流□參軍林寧

典籤鞏暉

伏波將軍前襄國令長流參軍李世榮

冠軍將軍默曹參軍張洛□

□父令朱槃父

冠軍將軍法曹參軍彭伯怡

征虜將軍錄事參軍張子欽

中堅將軍參軍事王元龜

樂平令秦仲暉

中堅將軍鎰曹參軍蘇文淵

須昌令孫世櫛

平南將軍田曹參軍劉僧仁

魯縣令宋敬遵

征虜將軍城局參軍禹太安

前郡主簿陳祖明

平南將軍長流參軍徐淶保

鎮城司馬何通

冠軍將軍騎兵參軍范琚羅

主簿袁康生

輔國將軍外兵參軍孫景貴

中兵參軍張輔仁

平遠將軍主簿范伯珎

士曹參軍尉飢

鎮軍將軍中兵參軍元貴

泰山郡孝刑獄參軍王元愷

魯郡丞孔白鳥

鎮西將軍金闕

闕太守牛神

魯郡功曹韋口孝

使持節督邳州諸軍關

關泰山太守郭叔略

安東將軍口關

魯郡主簿晁口賈

前將軍東平太口口儁

魯郡五官口神穆

征虜將軍任城太守馬顯都

魯郡省事高道愍

安東將軍陽平太守高元和

從事夏蓋祿

魯郡從事吳奉祖

魯郡從事史禮當德

兖州將軍幢主卜神景

兖州將軍幢主高哉愷

黃衣隊主鮑瑛榮

部郡從事史樊口瑛

部郡從事史口口樓

部郡從事史口嵩

征虜將軍前任城太守耿僧瑛

隴驤將軍東平太守趙良征

碑側

內口書任城王長儒書碑

魯孔子廟碑後魏北齊時書多若此筆畫不甚佳然亦不俗而往往相類疑其一時所尚當自有法又其點畫多異故錄之以備廣覽

集古錄

東魏脩魯孔子廟碑見歐陽公集古錄公絕不取其文特以其用筆不俗而字畫多異聊存之今考之果爾蓋崔司徒之遺軌而公家蘭臺之濫觴也廟爲兗州都刺史李仲璇所修仲璇其字不著名趙國柏仁

人柏仁當爲柏人碑誤按仲璇勲閥名位亦不薄而史不之載豈以其非平棘裔耶廟修于靜帝徙鄴之五歲時賀六渾日與黑獺勁東西之鹿未歸而司土者能從事於學校可佳也

兖州山人續稿

李仲璇爲兗州都督修孔廟建碑事在興和三年史官稱之是時高歡與宇文泰方確鬪關洛而東魏又當遷都之際仲璇乃能改修孔廟崇尚文儒賢矣碑正書時作篆筆間以分隸形容奇怪考古書法大小篆謂之篆東漢諸碑減篆筆有批法者謂之隸以篆筆作隸書謂之八分亦謂之隸正書謂之今隸亦謂

金石錄卷三十一  
之楷然則如此碑篆耶分耶古今隸耶

石墨  
鐫華

李仲璇東魏世家當中原雲擾知尊孔子能修繕廟  
庭先是宮牛阻嶮又能以威惠歸伏史稱所歷竝著  
清勤是且具有文武焉碑不著書者姓名猶存古意  
雖筆力勁駿如偏面驕嘶又如辮髮章甫殊俗揖讓  
江式書表云皇魏承百王之季世易風移文字改變  
篆形錯謬隸體失真俗學鄙習復加虛造以意爲疑  
炫惑於時不獨正其偏傍正爲此等書發耳唐景龍  
觀鐘銘源出于此少劑以雅馴便勝

金石  
史

魏書李仲璇傳除車騎大將軍兗州刺史仲璇以孔

子廟牆宇頗有頽廢遂修改焉卽此碑也其文一行  
之中有篆有分有隸有草雜亂無倫而或者以爲奇  
然則作詩者亦當一句騷一句漢魏一句選一句律  
而後爲奇也此愚之所不解也引禮記梁木其摧作

良木尤誤

金石文  
字記

右曲阜縣修孔子廟碑立石杏壇之下碑尚完好雜  
大小篆分隸于正書中蓋曰太武始光閒初造新字  
千餘頒之遠邇以爲楷式一時風尚乖別此江著作  
式所云世易風移文字改變俗學鄙習炫惑于時者  
也曩觀太原風峪高齊時鐫石柱佛經亦多類是斯

亦穿鑿失倫矣仲璇魏書有傳自兗州還除將作大

匠卒贈驃騎大將軍儀同三司青州刺史

曝書亭集

右碑興和三年十二月兗州丞令士民頌太守李仲

璇也魏書本傳以改修孔子廟為仲璇一生政績始

知當時尊崇聖道者鮮矣碑云君姓李字仲璇趙國

柏仁人也自晉以後名字不辨或以字行故字與名

皆諱之仲璇以字為名非別有名也乃李順之族子

而順傳為趙郡平棘人按柏仁屬南趙郡豈以順父

系為平棘令因家平棘故順傳據之而其初居柏仁

耶碑系仲璇治兗時立不應有誤第柏人為漢縣即

魏地形志皆作人此曰仁又何也傳云奉朝請定雍

二州長史碑則云奉朝請俄除定州平北府法曹參

軍仍

闕三

功曹參軍事定相雖三州長史傳云營構

將作碑則云營構都將其衛將軍車騎將軍衛大將

軍金紫光祿大夫左光祿大夫為碑所遺至將作大

匠驃騎大將軍青州刺史為兗州以後除贈之官也

金石後錄

仲璇為兗州刺史修孔廟立此碑東魏興和三年梁

武帝大同七年也干戈搶攘中能留意聖宮仲璇可

謂知所好尚矣

來齋金石刻考略

是碑興和三年以頌李刺史仲璇修孔廟功而竹垞  
卽以爲仲璇所作誤矣鮎琦亭集

右兗州刺史李仲璇修孔子廟碑魏書本傳稱仲璇  
以孔子廟牆宇頗有頽毀遂修改焉碑蓋述其事而  
以十哲配食孔子實自仲璇始矣其云使持節兗州  
諸軍事車騎大將軍當州大都督兗州刺史當州卽  
謂兗州猶云本州也碑敘所歷官與傳大略相同惟  
傳云定雍二州長史不云相州又以營構都將爲營  
構將作則其缺誤也北史但云營構將無作字頗與  
碑合碑稱仲璇趙國柏仁人本傳作趙郡平棘考之

地形志平棘屬趙郡柏仁屬南趙郡本非一地意者  
李氏之望出自平棘而仲璇又別居柏仁乎其云傷  
河嵩之莫出嵩本音鄙借作河圖之圖按廣韻十一  
模部圖字下別出嵩字注以爲俗蓋後魏字已然矣  
唐張希古墓誌銘其云祖習堯舜獻章文武述之爲  
豈嵩二豎典災習憲之爲獻皆異文潛研堂金石文跋尾

按闕里舊志載此碑粵若稽古睿后作粵若稽古睿  
台天闕二咨作天官次咨克振斯文闕一制闕二冊

拜我君公作克振制冊拜我郡公訛一字脫五字君  
姓李字仲璇作姓李諱珽字仲璇脫一字添二字其

先帝高陽之

闕二

柱史之蔭左車之綿緒作其先帝

高陽柱史之蔭左車之綿其脫四字所在恩

闕一

遺

訓在民夫松桂易地作所在恩庭訓在民

闕一

懷娃

易地階資寵

闕一

之榮作崇階貪寵之榮史傳與清

頌作史傳於清頌皆不得及門也生既見從沒

闕二

侍作生既見從沒若之何侍於其側作侍於

闕一

其

側碑本無闕多空一字暖似還新作暖以還新

闕二

之

闕一

無以踰七

闕一

之房不能出作世代之隔然

以踰七百之遠房不能出忻忻焉作忻忻然斯亦化

闕二

一隅也作斯亦化行一隅也脫一字作民師

闕一

字風

闕一

闕里播洙泗縣諸日月

闕二

洙泗作作民師表故休風流

闕里播洙泗縣諸日月

闕二

載之

闕一

莫不遵

闕一

義以述作作懸諸日月

闕一

載之刪籍莫不得其道

以述作燕逐春來亦風開翠葉作燕逐春來而風開

翠葉體亡懷以幽

闕一

作體古懷以幽詢

闕一

直靈

津孤灑虛光獨散者

闕一

直字上者字下碑俱有一

字今皆脫去誕茲聖緒作誕茲聖口

先聖

祖習作祖

述

闕二

存教

闕一

同麗景作存

闕二

同麗景梁木其

摧作梁木其措諸碑訛字不少而此碑為尤甚焉

孔繼

說汾

右碑所載仲璇歷官按之魏書本傳多合惟傳但言仲璇修改孔廟廡宇不言廟庭配食弟子據碑知孔廟之升祔十哲及十哲之有素像皆自仲璇始又聖象祇進儒冠諸徒皆青衿青領皆學者所宜知也書兼篆隸如扶疏作扶蔬赫作赫營作營舉作舉爽作爽學作學眺覽作眺覽然作然聘作聘像作像從作從武作武皆別體以潭爲覃以蟬爲蟬以百刃爲百仞以良木爲梁木以熟爲孰以畝爲圖皆通用字至煥爛之爛乃正字今省作爛雕素之素或以爲素之別體不知素本俗字古祇作素錢辛楣少詹云唐青

蓮寺碑有素畫彌勒佛之語是其證也沅案字體之變莫甚于六朝然其中有古字處未可盡非余昔以文字異同著爲辨證一書意在糾正時譌閒有未備今更詳之碑陰列街中有稱泰山郡孝及魯郡省事皆史書所略碑側一條尤爲著錄家所未見也

金石志

碑爲府州佐及令士民樹於廟庭蓋記李仲璇修廟設像容其云仲璇自隸兗部嘗未浹旬言觀孔廟遂有斯役魏書本傳出除車騎大將軍兗州刺史仲璇以孔子廟牆宇頗有頽毀遂改修焉是其事也碑稱

乃命工人修建容像孔子曰從我於陳蔡者皆不得  
及門也因歷敘其才以爲四科之目生既見從歿口  
口侍雕素十子口口其側今於口口口口奉進儒冠  
於諸徒亦青衿青領按水經注魏黃初元年文帝令  
郡國修起孔子舊廟廟有夫子像列二弟子執卷侍  
立是廟制久以弟子配矣然十哲之侍後世蓋沿於  
此予故爲著其自也聖容及列侍諸賢並從儒服制  
猶近古其後但以袞冕炫飾非崇素之意矣小松云  
碑側有一行知是王長儒書

授堂金石跋

按此碑額題魯孔子廟之碑六字筆法詭異非篆

非籀文云赤雀西樓西卽栖字篆本作鹵後人加  
木作栖也樽天孤昭据上下用韻似當作孤照方  
叶然碑實是昭字論語皆不及門也文多得字碑  
陰列殄寇將軍幢主二人幢主當卽幢主碑在孔  
廟同文門下碑陰靠壁揭者未之及故曲阜縣志  
金石卷所未錄中多闕處係原石有斑駁者則讓  
出不刊非闕蝕也碑側一行書體頗與碑文不類  
且碑陽年月下儘有餘石何以書人題名碑側恐  
後人妄增姑識此疑與好古者共質焉

李洪演造像頌

頌橫廣二尺三寸五分高六寸五分廿四行行九字正書

邑子李洪演造像頌

夫靈光郁烈雖體洞曰塵然一乘震運則十躔竟發故釋迦出沒有其口也是以邑義等皆藉出蘭蕙秀貫烟霞悼純暉之日削慻重闈之年深遂相率捨爰尚嘉石於此爽塏營像一區庶鍾万品等皆十号頌曰

湛矣澄源修哉寶觀息攸摸擬邁茲陳讚事等手足道猶花檠遠邇口津清濁交判有釋迦興體苞暉達淨樂蕭然常我無過三徑是填五葢終脫六度告口雙林顯未於穆邑義廣夏之樑爰樹瓊像髣髴遺光功崇先祀

福潤見方咸口口吉永拔宿霜

武定二年三月一日造訖

邑主造象訟

碑橫廣二尺七寸八分高一尺九寸六分廿一行行二十字正書在假師縣

大魏武定六年歲次戊辰九月己未朔十二日庚午邑

主

敬造石像碑文

夫靈精曠遠妙理冲深至道不廓幽蹟難覩故像物隱光出於恍惚之中法相淪暉生於希夷之外職彼靈山結五子之遐想睠茲淥水闡九龍以成津瞻堂口若穹旻之帶曜霽尋之杳莫若遊霞之登九霄口口正覺焉

可完歿故佛弟子邑主

等導流形

宛翻光嵩洛據德衡口道冠中鼎然口以生逢隘運形  
沉丘壤識果菜之可崇知冥口之有期恐朝露之命觀  
太陽而旭晞草木之年隨秋霜而降墜怙侍先霽門極  
之効弗展幼子遯衰覆育之恩靡託遂磬竭家資口引  
邑義構像通衢崇慈寶業峩峩峩嶼谷之濱條蕩平原之  
里背祀丘叻樹形跨闕橋而建宇庶能使七世幽魂遊  
處天堂之中前亡後死鬼脫八難之吉爰及冑口口相  
承軒蓋重輝冤疏繼世八衛鈞陳出宰蕃岳台鉉相望  
珪璋疊影奔口口蔚流馭篆素伏願 皇道雍熙景命

維新駿奔口馳戎淚交口行蘆歌德霜翬披澤苗錄再  
炳升平吉始凡庖蒼生成蒙斯福乃作訟曰

睚口啓靈學道求真国王非寶儲二匪珍捐妻施子口  
若遺塵金軀靡怪口口投身遂登正覺神通自然群魔  
稽首靈冠諸天慈悲万有光照大千苞綸曠劫仰之弥  
靈擾擾群生有善有惡報應如響隨心降穰磬茲愚果  
庶鬼鼎鑊覬拔幽魂遷神妙藥伏願 皇家景祚康延  
解鞅桃林釋纜口山蒲車巖阿訪逸求賢孤竹捨微黃  
綺執鞭誹木佞設諫鼓空懸導茲邑義採石嵩陽口琢  
是肯樹此福堂勒碑啓像跨躡崇口口之皎皎千載流

芳

按此碑前人俱未著錄云邑主敬造石象碑文邑主  
下及故佛弟子邑主下俱空八字無人名本非殘闕  
當時待填姓氏耳文與字亦頗拙其別體甚多然云  
仰之弥元元遠也又云隨心降穽穽落也又云磬茲  
愚果當借為腆字多也見六朝時人猶能用古字古  
義今則文章日尚通俗不出尋常行用之字矣中州金石記

按碑立於武定六年九月据魏書是時蕭淵明雖  
已被擒而侯景尚有渦陽之戰蕭衍雖已乞和而

王思政尚有潁川之討碑所謂伏願皇家景祚康  
延解鞅桃林釋轡口山者蓋深望干戈之息也碑  
中希夷即希夷霽即靈哉即哉彤宛即荆宛勉脫  
即免脫勉疏即冕旒策素即篆素釋轡即釋轡至  
以頌為訟說文訟爭也一曰訶訟是本作訟字後  
人作頌乃借容兒之頌字也此又六朝人用古字  
古義之證矣

張保洛等造像記

石連象不知高若干尺廣一尺四寸厚六寸九分四  
面刻前面十二行後面十四行兩側各七行行皆七  
字正書

大魏武定七年 二月八日前使口節都督夏蔚二州  
諸軍事衛將軍夏蔚二州刺史當州大都督安武 縣  
開國伯又口西大將軍儀同三司行晉州事東雍州鎮  
城安武縣開國侯張保洛前使口節都督東荊州口口  
事征西將軍東荊州刺史當州大都督東雍州鎮城永  
寧子劉襲假節督東雍州諸軍事新除右將軍東雍州  
刺史當州都督口熹子薛光熾等敬造石碑像四佛四  
菩薩藉此微功仰願 先王 婁太妃 大將軍 令  
公兄弟等亡者昇天託生西方无量壽佛國現在眷屬  
四大康和輔相魏朝永隆不絕復願所生口母乃及七  
世皆生佛土體解口道口口妻子無口延年長享福祿  
在在處處口善知識又使兵金不興開隴自平普天豐  
樂灾害不起乃至一切有形衆生蠢動之口皆發菩提  
道心口口口佛

按碑立於武定七年記張保洛劉襲薛光熾三人  
造象之事碑稱張保洛使口節都督夏蔚二州諸  
軍事衛將軍夏蔚二州刺史當州大都督安武縣  
開國伯又口西大將軍儀同三司行晉州事東雍  
州鎮城安武縣開國侯以北史張保洛傳證之保  
洛少爲爾朱榮統軍後隸齊神武爲帳內元象初

爲西夏州刺史以功封安武縣伯從戰芒少進爵  
爲侯是保洛封爵傳與碑同其歷官則傳但有夏  
州刺史而不及蔚州其餘碑所稱者傳俱略也孝  
靜帝本紀但有武定元年破黑獺於邙山而不及  
芒少不能定其進爵爲侯者在何年要之不出武  
定七年以前之事然碑後有云藉此微功仰願先  
王婁太妃云云傳不言保洛先世有封某王者其  
自封敷城郡王亦在齊受禪後則碑之所稱先王  
無從考矣劉襲薛光熾史俱無傳

義橋石像碑

碑連額高七尺五寸廣三尺三寸上截二十六行行  
四十二字下截二十七行行三字正書今在河內武  
德鎮

武德于府君等義橋石像之碑

夫梵燈遐靡長夜襲其明慧教洞開群迷啓其目是已  
神光未滅感膺於西胡金篋雖謝夢現於東漢柳亦愍  
世多艱下生思土運濟貫心慈悲注意歸依者塵霧莫  
侵迴向各雷電不撓信是普海之靈丹酷旱之甘露矣  
惟此區域号稱舊挹舜禹懷譚之地殷周畿甸之土晉  
啓山陽鄭錫河浚綵趙稱罷入魏爲鎮及秦吞六碓跨  
脊四海罷侯員守一統九服項羽改名殷國漢高復立

爲魏自茲以還爲河內下邑屬 皇朝遷鼎卜食漳濱

遂方割四縣在古州城且武德魏焉北通燕趙堂堂之  
風相洽南引鞏雒穆穆之花口清西瞻軹塞則連山萬  
疊東望平臯則曠野千里長河帶其前太行環其後車  
馬之所混口舳艫之所湊集頗是一魏之要慮實爲三  
魏之達道若其沈淪雙吐丹絕竝納勢等周原美齊陸  
海袂散成帷人縈茗繡禮樂尚繁風儀未革然郡土遼  
廓沁水橫流源自羊頭之山發於麻谷之口滔滔晉域  
作紀懷方引堦過於鄭白流穢踰於汾澮但波漸臺雉  
岸合崢嶸揭厲多危注來受慮至於秋雨時降水潦口

驚馬牛雖辨公私頓廢有岨乘車之義事切朝涉之艱  
軍威將軍懷州長史行武德魏事河南于子建車騎將  
軍左光祿大夫平臯令京兆杜護宗前將軍懷縣令趙  
魏李同賓伋西將軍州縣令扶風馬肅洛殄難將軍溫  
縣令廣寧燕景裕伋虜將軍魏丞東平呂思哲或分竹  
專城或擇木百里鵠起來向共治民瘼况同觀艱辛俱  
看危滯一物可矜納隍在念敬思包鹿濟難之仁俯口  
口龜報恩之惠雖無武庫造梁之工術且口沙於訪津  
之慇懃音旨問俗便獲口口輒躅雖亡遺柱在目父口  
口傳咸屬周時稱其板構与城俱廢乃於農隙之月各

率祿力□□及□朝文武□懷憲願七月六日經始此  
橋助福者比肩獻義者聯轂人百其功共陳心力至廿  
四日所□便訖不煩遐迩荷擔之勞未溲士民尺寸之  
木雖無匪石之美庶省浹辰之費循柱揭以插泉華表  
鬱而軼漢紅□交架以□□綺蘭聯絲而雲布引北山  
之饒則人無遺力積南市之富而家有餘資昔伯度記  
功勒燕然□□文淵表□□象林之銅作述之理雖殊  
刊錄之情不異況四生踏駁同悲欣也境十因還通勁  
風電之力□不歸依寶□□□神教遠擬彼岸之喻近  
取成務之言惡沮勸之道未宣畫拈之功虛燼乃運石

立碑敬鑄畫像窮般馬之巧盡金鑿之饒使四部注來  
起歎慕之心六道奔趣識風雲之會其詞曰

清虛曰道匹直為神有一於此用表生民淵乎大覺至  
矣能仁行成元吉德伏波句其芒芒出績渺渺桓功為

□左衽迭聽前風九州咸載五等終同分壇敷土俾侯  
樹公其二美茲舊甸麗其新邑界帶山河苞首原隰祀樂

仍賁風激猶緝青莖可剪潢流可挹其三粵余承乏謬廁  
官方政慙春雨威愧秋霜情深履虛意等納隍慕彼醫

藥眷此津梁其四渾渾沁水冀道名川既難揭厲又阻□  
□爰始經謀義勸競填辰不再浹斯構已宣其五落落太

虛繞繞群有來同聚沫去齊過臚敬託三尊資憑四部  
髣髴彼岸依憐可久

大魏武定七年歲次己巳四月丙戌朔八日癸巳建

楊膺寺金城寺雍城寺恒安寺苟塚寺朱營寺管令

寺諸師等見風燭以生悲觀泡沫而興歎遂乃落髮

以口麤門抽簪而口梵轍嗟注還巨難愍揭厲多辛

咸施材木構造橋樑楊膺寺發善之源从為橋主

碑陰

碑陰左右各列銜名一行中橫十三列  
行數多寡及字數全闕俱不齊並正書

中正闕 武德郡功曹張口口前河南郡功曹張義興

此行在  
碑右

中正張闕 司馬闕 武德闕 武德郡光初功

曹闕 武德郡口丞闕 武德郡孝口學闕 大都

督王闕 郡功曹口子武德郡主口王朗伯闕 中散

大夫闕 張光闕 梁世闕 將軍給事中口口大都督

張景哲闕 董口和闕 前冠軍主防鄉都督李方貴

全闕 一行 全闕 一行 全闕 一行 闕 功曹 闕 二縣令 闕 闕 河

內郡闕 平臯令闕 中正司空闕 郡功曹

闕 從事闕 郡中正闕 郡中正闕 全闕 一行

全闕 一行

以上第一列

關都道雄

關都曇定

關將軍武德郡丞呂哲

樂

善寺主僧湛

郡沙門都維那法雲

平臯縣

陽

普泰寺僧法口

河內郡中正州西曹書佐張思賢

前州都司馬洪囿

旨授定州刺史馮雙安 前河內

郡關寄

旨授勃海太守張法安

旨授洛陽令張蓋

周關

郎中口極

威烈將軍

郡光初中正李惟

李

全關一行

全關一行

全關一行

關

遠軍奉朝請梁

關

賓關

關

永孝

全關一行

全關一行

全關一行

全關一行

以上第二列

王智延

張思顯

馮洪鷹

張智達

馮旂顯

張

清虜

王顯樹

文顯明

郭遵業

王元穆

王承

業

王副賓

秦永貴

王洪畧

王迴禧

董珍寶

傅珍貴

王元慕

呂榮族

蘇顯業

王文讀

程顯樹

王金生

古子融

薛伏牌

以上第三列

高匡生

王暎宗

繁含國

張子獻

王櫛勝

樂

僧櫛

邢子邕

郭義賢

邢連昌

王延和

王延

明

葉思和

馬晞賢

孟待賢

尋市和

王延遇

王子尚

王思政

王景琛

張思集

王道廣

陶歸洛 黃永遵 洽榮顯 孟子輝

以上第四列

趙和順 張口敬 口貴興 梁口口 口口龍 許

口龍 馮神寶 史衆慶 梁景輝 蘇 儁 史元

遵 王洪景 張洪輝 王始和 張顯穆 高思慕

尋元允 王神和 王元貴 袁延康 王難陁

王慶先 馮仲連 李顯榮 古元穆

以上第五列

衡野叉 祁延慶 古伏寶 李崇賢 朱子暘 口

景穆 李景和 賀伯和 柴元儁 王義和 史仲

和 王市和 張當遷 臨慶波 高元伯 張叔業

王顯貴 口惠各 劉造口 王士口 鄭景口

繁桃樹 賈弁岳 邢季宗

以上第六列

孫元和 張起宗 周軋輝 王清休 郭領孫 陶

名遠 張貴和 祁智達 楊桃樹 樂買德 董景

興 張法神 邢伯業 范景輝 馬大口 薛桃口

趙道口 張尚賓 藺道成 宋方伯 梁勳戎

王叔業 宋市和 劉景伯 張洪儁

以上第七列

向元口 江輝略 山子雲 薛義賓 李榮業 趙

元和 馮延和 史起族 卑顯業 宋元達 王長

休 王神惠 徐和生 邢景振 丘小才 馬元集

牛顯蒨 王法大 許子休 中叔珍 繁狂鵝

王野馬 馬天族 司馬郎仁 張洙席

以上第八列

郭敬始 口口鬼 張景賢 王羔口 張始貴 宋

子誕 董道和 張僧敬 馮元爽 薛洪達 邢小

興 劉子樞 謝五達 韓舍興 賀景珍 郭元廣

王景輝 袁及先 王洪運 冷永初 續子輝

王元盛 董顯遵 朱神仲 李元暉

以上第九列

張思祖 蘇方先 馬景伯 張凶寶 楊元輝 楊

凶恒 張惡脾 趙樹兒 張廷賓 李於陔 劉方

進 趙作醜 衛顯義 張顏淵 高顯賓 衛溫

韓胡脾 姚奚奴 史猷生 劉遵士 古顯哲

魏僧遵 任僧賓 公孫休 韓敬賓

以上第十列

梁子剛 王伯醜 路思慚 程子巖 竺永寧 原

子穆 王登生 馬靜光 王靦脾 孫舍脾 續伯

和 劉清仁 馬桃生 孔世遇 吳世榮 李敬賢

宋天開 崔仲元 吳孝遵 无丘宗 張廣業

馮清口 繁龍鷹 冷休慕 張世珍

以上第十一列

武德郡兼功曹柳口 州縣中正兼郡主簿口永和

都盟主張毛賓 都盟主孟廷貴 民望荀買驛 民

望史文祖 民望姬舍族 郡兼功曹葉靈皓 宣威

將軍王龍櫛

以上第十二列

全關 行 口安宗 口天口 關一 行 牛承明 王文雅

馮通達 呂顯珎 生 以下關 等 關 真假之

源 關 吾樂 關 趣亭 關 慈 以下關 三行 施力 以下 俱關

以上第十三列

伏波將軍前懷州防城司馬穆洛書 此行在 碑左

河南范君實夫年七十餘矣搜奇挾古多所雅聞為

予言武德鎮魏修義橋碑四面有字其列名稱號皆

古質可愛予覓人拓出之如范君言考碑載魏置武

德在古州城又敘其形勝所據如云三魏之達道三

魏卽三晉也不稱晉而稱魏亦如水經注魏分漢中

立魏興郡其意固以自雄也又稱沈浪雙吐丹絕竝

納按竹書有丹絕不流之文則丹絕不宜與沈淝相對而率然至此殆碑誤也碑陰上多漫滅有稱旨授定州刺史旨授勃海太守旨授洛陽令又有稱郡光初中正郡盟主郡兼功曹民望等號左右兩側有稱民望及民望土豪天宮主及天宮主兼郡功曹防郡都督又有稱平遠將軍白衣左右董延和考魏書恩倖傳趙修給事東宮爲白衣左右茹皓充高祖白衣左右今碑所書董延和者其亦恩倖之流與又其他稱號亦爲史志所不及悉錄而有見于此碑故識之以廣異聞也橋亦土木築疊爲徒杠輿梁之不過費

而成者碑甚鋪著其盛亦謂夸矣別體字亦作亦儀作儀侵作侵苦作苦遷作遷維作維章作譚擇作捍辛作牟旅作祿積作積飾作飭際作際爽作爽婢作

婢標作標顯作顯

授堂金石跋

按碑云惟此區域爲河內下邑皇朝遷鼎方割四縣在古州城置武德郡焉魏書地形志武德郡天平初分河內置領縣四平臯溫懷州卽碑所謂方割四縣也魏都遷洛事在孝文帝太和十七年而武德置郡在孝靜帝天平初年距遷鼎又四十餘年矣碑立於武定七年則距分置武德僅十五年

也碑又云沈湏雙吐丹絕竝納沁水橫流源自羊頭之山發於麻谷之口引溉過於鄭白流穢踰於汾澮說文沈水出河東東垣王屋山春秋注湏水出河內軹縣竝與武德相近据魏書地形志温縣下注云有温湏水温水出崆峒山在臨汾南入河見山海經與河內尚近若湏水則遠出遼東塞外西南至樂浪西入海見前漢地理志則地形志注恐是誤以湏水爲湏水也水經注云沁水又東與丹水合水出上黨高都縣故城東北阜下俗謂之源源水山海經曰沁水之東有林焉名曰丹林丹水出焉東北流又屈而東注左曾絕水地理志曰高都縣有莞谷丹水所出東南人絕水絕水出茲氏縣西北楊谷是丹絕係二水名與沈湏竝通河內武氏金石跋但据竹書紀年晉出公五年丹水三日絕不流之語遂以爲丹絕不宜與沈湏相對耳水經注云沁水出上黨沮縣謁戾山或言出穀遠縣羊頭山世靡谷此碑云發於麻谷之口是碑有異文也鄭白二渠名漢鄭谷與白公先後所鑿事詳史記班固西都賦下有鄭白之沃衣食之源汾澮本左傳新田土原水深居之不疾有汾澮以

流其惡碑蓋以比沁水之多利也建義橋者六人  
懷州長史行武德郡于子建平臯令杜護宗懷縣  
令李同賓州縣令馬周洛溫縣令廣甯郡丞呂思  
哲皆武德郡之守令爲之武德與河內二郡同屬  
於懷州于子建蓋以州長史而行郡事也呂思哲  
旣見於文而碑陰又有武德郡丞呂哲未知卽一  
人否也碑云軌躅雖亡遺柱在目則是舊本有橋  
久廢而于子建等重建之也七月六日經始廿四  
日訖功雖曰木橋亦云速矣文末年月後列七寺  
以紀施材木之功而楊膺寺爲橋主列於首然則

建橋乃各寺之緣立碑則歸美於守令也七寺皆

不列僧名而碑陰則有樂善寺主僧湛沙門都維

那法雲普泰寺僧法口皆不與同列當是別爲緣

主也文內感應作感膺楊膺寺似卽楊應寺思士作思土若

繡作荅繡岸谷作岸合沙弥作沙於綺闌作綺蘭

蘭本與闌同餘皆別體也說文騰字从馬朕聲碑

皆作騰亦別體字碑書害字皆作厖而扶風馬厖

洛似非害洛疑是周洛碑首有北魏武定七年古

碑八字銘末年月前有民望王進防口都督王續

爲亡父開佛光明主十八字是後人所刻非原文

也碑陰列姓名幾三百人皆武德郡邑官吏有單  
姓名者似皆部民也中有張沫虎與敬史君碑之  
聶沫虎同名亦卽七虎也民望者郡民之望而又  
有都盟主者二人不知何謂未有真假之云云七  
行字多殘闕似係後敘非姓名書碑者穆洛魏書  
官氏志云丘穆陵氏後改穆氏也

金石萃編卷三十一終

金石萃編卷三十二

賜進士出身 誥授光祿大夫刑部右侍郎加七級王昶謨

東魏

太公呂望表

碑高五尺九寸廣三尺二寸二十三行行四  
十二字正書今在汲縣西北三十里太公廟

晉武帝太康十年三月丙寅朔十九日甲申盧无忌依  
舊脩造

齊太公呂望者此縣人也遭秦燔書史失其藉至大晉  
受命吳會既平四海一統太康二年縣之西偏有盜發  
塚而得竹築之書書藏之年當秦垺徯之前八十六歲

其周志曰文王夢天帝服纁襪以立於令狐之津帝曰  
昌賜汝望文王再拜稽首太公於後亦再拜稽首文王  
夢之之夜太公夢之亦然其後文王見太公而剖之曰  
名爲望乎答曰唯爲望吾如有所於見汝太公言其年  
月與其日且盡道其言臣此以得見也文王曰有之口  
與之跡以爲卿士其記年曰康王六年齊太公望卒參  
考年數蓋壽百一十餘歲先秦滅學而藏於丘墓天下  
平泰而發其潛盡盡之所出正在斯邑豈皇天所以章  
明先哲著其名号光于百代垂示無窮者乎於是太公  
之裔孫范陽盧无忌自太子洗馬來爲汲令嶧嶧之不  
舊有壇場而今墮廢荒而不治乃諮之口徧訪諸朝口  
僉以爲太公功施於民以勞定國國之典祀所宜不替  
且其山也能興雲雨財用所出遂循復舊祀言名計口  
鑄石勒表以彰顯烈碑萬載之後有所稱述

太公姓呂名望号曰尙父尙氏之興元出姜氏公望以  
輔翼流詠于平以確素致謠卯金握麤冠蓋鱗次典午  
統宇軒冕波屬或秉文入朝或用武出討徧默交映勲  
庸相趨大魏東苞碣石西跨流沙南極班超之柱北窮  
寶憲之誌高祖孝文 皇帝龍飛代龍鳳翔嵩邑澄清  
人士品藻第望尙氏合宗還見禮擢九等舊制不失彝

序方知賢聖之門道風必復功德之後學識還昌太公  
龔孫尚□□尚天寶尚世□狗子牧尚子休尚方顯尚  
景□尚遵明尚裴香尚顯敬尚迴歸尚□樂尚漢廣尚  
崇等器業僊洽文義淹潤慨盧忌置碑僻據山阜崔瑗  
列石不枕康衢遂率親黨更營碑祠以博望之亭形勝  
之所西臨滄谷東帶泲川周秦故道燕趙舊路構宮鐫  
石□當平顯庶使文範之猥不獨百城有道之美詎假  
于石凡斯盛事理切含蒙余以虛薄□參郡任民情和  
□□託爲文率爾彈翰棄辭收理其詞粵

迢迢岳巒蔚蔚姜枝積德不已繼踵方義發將允執紂

遂昌披託□□□卽猥非羆功著牧野□自幽岐旣伸  
惟惺仍秉鉞麾佐命周室開邑齊土北控趙燕南臨□  
□□匡九合懸車束馬位極三事勲高万古葬切晉溫  
魂悲漢祖忻哉尚聖遺魂可怙言歸故鄉降神巫咒□  
□□□□室望岫庭栽異木井依餘燬肴醴競奉歌鍾  
迭奏風雨節宣華爰用富恩被系子慶傳曾胃  
通直散騎常侍聘梁使平東將軍中書侍郎恒州大中  
正脩左史汲郡太守穆子容山行之文

大魏武定八年四月庚辰朔十二日辛卯建造

碑陰

陰凡五列行字多  
寡不等俱正書

郡中正尙靜年 汲郡中正督汲縣事行南口武縣尙

口口 司州口口從事尙口口 尙世和 尙口口

尙口明 尙功口 尙萇興 尙令罷 尙口口 尙

永歡 尙嗣業 尙顯口 尙元遵 長樂太守石陽

子尙欽 故板授鉅口太守尙口口

以上第一列

板授口口太守尙馮 故板授河北太守尙邾 故板

授長樂太守尙珠 故前兼郡功曹尙次年 故人尙

次愔 板授滎陽太守尙求祖 板授頓丘太守尙沉

流 板授北平縣令尙雲龍 平朔將軍口口縣令口

口鎮將尙金龍 板授建興太守尙哉 板授樂安太

守尙光 板授恒農太守尙龍口 板授汲郡太守尙

陽生 板授潁州太守尙羽真 板授武德太守尙口

關將軍都督

以上第二列

板授口口郡口郡太守尙秀 故板授武德汲郡太守

尙靜光 故板授東魏太守尙神龜 故板授城高太

守尙道 故板授蔡陽太守尙蘭椿 故行參軍尙道

光 尙迴 板授滎陽太守尙法口 輔口府長流參

軍督新縣事尚□□ 板授河內太守尚□□ 板授  
河間太守尚□ 前除□昌太守尚□ 板授長縣令  
尚買成 尚寶洪 補郡功曹尚□ 板授武德河內  
二郡太守太守尚覆成 板授汲縣尚海口 板授武  
德太守尚始興 尚定成 尚高口 寧朔將軍員外  
奉車都尉尚顯文 襄威將軍朔陽戍主尚龍威 尚  
延和 揚武將軍尚世□

以上第三列

板授汲縣令尚金虎 板授汲縣令尚元祥 尚定業  
尚覆□ 尚季□ 尚僧□ 尚元始 板授高邑

縣令尚合洛 尚□□ □□將軍督新安罷尚□□

尚敬□ 尚祖延 尚顯貴 尚□□ 尚□□

尚平□ 尚安□ 尚靜滿 尚文禧 尚益生

以上第四列

□□將軍奉朝請尚□ 尚□讓 尚□□ 尚璉

尚世□ 尚伯保 尚市奴

以上第五列

太公呂望碑穆子容撰北史言子容少好學無所不  
覽求天下書逢卽寫錄所得萬餘卷魏末爲兼通直  
散騎常侍聘梁齊受禪卒於司農卿其辭曰作其辭

粵古曰字與日同一書法故變其文爲粵欲讀者之

易曉也

金石文  
字記

水經注云汲縣故汲郡治城北三十里有太公泉泉

土又有太公廟廟側高林秀木翹楚競茂相傳云太

公之故居也晉太康中范陽盧無忌爲汲令立碑於

其上今碑前有晉太康十年三月丙寅朔十九日甲

申盧無忌依舊修造錄無忌文九行蓋晉碑已泐子

容書之于石也後十二行爲穆子容文北史穆崇傳

云魏末爲兼通直散騎常侍聘梁今碑云通直散騎

常侍聘梁使與碑合又云平東將軍中書侍郎恒州

大中正修左史汲郡太守史所未及碑額有象有碑

陰書太公裔孫尙姓諸人 盧文云云與史記不同

又云嶓嶩之下舊有壇場按水經渭水又東過陳倉

縣西注磻谿谷谿中有泉謂之茲泉卽呂氏春秋所

謂太公釣茲泉也今人謂之凡谷東南隅有石室蓋

太公之所居也水次平石釣處卽太公垂釣之所也

其水清冷神異北流十二里注於渭括地志茲泉水

源出岐州岐山縣西南凡谷則此水在今陝西寶雞

縣東南其在汲縣者水經注又爲之說曰人亦謂之

磻谿太公避紂之亂屠隱市朝遯釣魚水何必渭濱

然後磻谿苟愜神心曲渚則可磻谿之名斯無嫌矣  
子按二說俱古當以寶雞之磻溪爲長以其爲茲泉  
出于呂氏春秋也此碑書法方正筆力透露爲顏真  
卿藍本魏齊刻石之字無能比其工者

中州金石記

先晉太康十年三月尚父裔孫范陽盧无忌來爲汲  
令以縣蟠嶽之下舊有太公壇場荒而不治乃依舊  
修造鑄石立表在今縣治西南隅後北魏孝靜帝武  
定八年太公裔孫尚氏諸人以盧忌置碑僻據山阜  
遂率親黨更營碑祠於博望亭平顯之所在今縣西  
北三十里請太守穆子容爲文記之子容并爲書无

忌之表於前而以己作繫於後朱竹垞引李白詩朝  
歌屠叟辭棘津八十西來釣渭濱而韓詩外傳稱文  
王舉太公時公年七十二兩者不合无忌表曰康王  
六年齊太公望卒按尚書顧命有齊侯呂伋文則伋  
已嗣公爲侯非卒於康王時也余案无忌明據竹書  
紀年之文非得之流傳也周公封魯太公封齊皆其  
子之國而身畱京師故有三年報政之語周公在而  
有魯公伯禽寧太公在而不可有齊侯伋乎竹垞譏  
之非是特太公遇文王之年諸家所紀七十爲多但  
不知定當文王何年計武王卽位元年至康王六年

已六十二年公遇文王縱晚亦須在前數年卽以外傳所說計之公之壽已百五十有餘矣而无忌表云蓋壽百一十餘歲然則公之遇文王疑不過在五十時公之女爲武王后以此參證不應乃在耄齒孟子言太公聞文王善養老來歸若五十內外不宜卽言老然人情每預爲晚歲之計者亦多矣豈非當年卽已需養乎况太公非沾沾僅爲一身計者其慕文王仁政之美亦必不專在一節故愚以爲孟子所言正不可膠執以爲七十之確証抱經堂文集碑下截剝蝕上半文獨可識有云太康二年縣之西

偏有盜發冢而得竹簡之書金石錄云荀勗校穆天子傳其叙云太康二年與碑合可以正晉史之誤廣川書跋案晉紀言咸寧五年盜發汲郡冢與此碑異知史誤也余攷之非是陶伯詩云同一束暫傳王隱傳者曰太康元年案隱當據左傳後序喬修者曰太康二年喬當據此碑已互異如此當以目擊之言爲據晉武帝紀本起居注杜預爲左傳後序皆其所目擊者也冢蓋發于咸寧五年冬十月官輒聞知明年太康改元三月吳平預始得知又二年始見其書故序曰初藏在秘府余晚獲見之此與情事頗得由是觀之紀文殆

金石錄卷三十三  
非誤而董氏及趙明誠或失詳也北史言子容魏末  
爲兼通直散騎常侍聘梁齊受禪卒于司農卿今此  
碑後子容自題銜云通直散騎常侍聘梁使平東將  
軍中書侍郎恆州大中正修左史汲郡太守此已較  
史爲詳而聘梁使乃其兼官爲當時體制如是史獨  
書聘梁句當未完宜以此碑補之也 碑陰文多殘  
損凡作五層題名皆尙氏碑陽稱尙氏之興源出姜  
氏此固太公之裔附書于此也按諸尙列郡守縣令  
而題曰拔授蓋由推恩加以虛號所謂賜百年以上  
假郡守假縣令也魏書肅宗紀熙平二年四月丁酉

詔京尹所統百年以上賜大郡板九十以上賜小郡  
板神龜元年春正月壬申詔京畿百年以上給大郡  
板九十以上給小郡板八十以上給大縣板七十以  
上給小縣板諸州百姓百歲以上給小郡板九十以  
上給上縣板八十以上給中縣板孝莊紀建義二年  
五月詔上黨百年以下九十以上板三品郡八十以  
上四品郡七十以上五品郡孝靜紀天平三年十有  
二月辛未遣使者板假老人官百歲以下各有差崔  
孝芬傳司徒彭城王勰板爲行參軍吳悉達傳刺史  
以悉達兄弟行著鄉閭板贈悉達父渤海太守此碑

稱板授卽紀傳所言賜板給板假板贈之謂而碑以板爲板蓋當時別體如是其城高蔡陽二郡名不載地形志疑城高爲城皋而蔡陽或淪陷於異地志故無文也員外奉車都尉案官氏志有奉車都尉而無員外正始四年九月詔奉車都尉禁侍美官顯加通貴世移時變遂爲冗職旣典名猶昔宜有定員是自正始前奉車都尉添置猥濫蓋有員外矣當時詔文雖定爲二十人及武定之季漸益增設故見於是碑者復有此名是亦志所未推稽也

授堂金石跋

按此碑前刻太康十年范陽盧无忌文後刻汲郡

太守穆子容叙銘无忌晉書無傳文中自稱太公之裔孫廣韻云姜氏封于盧以國爲氏故盧姓同源於太公也文叙太公遇文王事託之文王與太公同夢天帝由此得遇與史記所載西伯出獵卜得霸王之輔于是遇于渭陽載與俱歸彼此迥異文又云嶓嶩之下舊有壇場而今墮廢荒而不治磻谿有二處一在渭水之右其一在汲縣卽此立碑之所也水經注清水又東過汲縣北西北有石夾水飛湍人亦謂之磻谿言太公嘗釣於此也城東門北側有太公廟廟前有碑碑云太公望者河

內汲人也縣民故會稽太守杜宣白令崔瑗曰太公本生於汲舊居猶存君與高國同宗太公載在經傳今臨此國宜正其位以明尊祖之義於是國老王善廷掾鄭篤功曹邵勤等咸曰宜之遂立壇祀爲之位主城北三十里有太公泉泉上有太公廟廟側高林秀木翹楚競茂相傳云太公之故居也晉太康中范陽盧无忌爲汲令立碑於其上據此則汲縣舊有二太公廟碑亦有二此碑所在則城北三十里然亦非崔瑗之舊穆文云盧忌置碑僻處山阜崔瑗刊石不枕康衢遂率親黨更營碑

祠以博望之亭形勝之所西臨滄谷東帶泲川周秦故道燕趙舊路構宮鐫石口當平顯是別立祠碑之證也盧文刻于此碑而崔石不復可攷矣廣韻云齊丁公之子食采于崔因以爲氏丁公者卽太公之子汲其後因以命氏是崔與丁亦同源太公故杜宣有正位尊祖之語也子容之文爲尙氏記石文云尙氏之興元出姜氏公望以輔翼流詠子平以確素致謠尙氏因呂尙得姓通志氏族畧所謂以字爲氏也然史記齊世家太公望呂尙譙周曰姓姜名牙索隱曰牙是字尙是名則是以名

爲氏矣子平據後漢書逸民傳作姓向注云高士  
傳向字作尙此牌爲尙氏追溯其先而及子平則  
是從高士傳矣後漢書本傳稱子平性尙中和好  
通老易貧無資食好事者更饋焉卽碑所謂確素  
致謠也碑又云卯金握歷冠蓋麟次典午統宇軒  
冕波屬或秉文入朝或用武出討儒墨交映勳庸  
相趨稽之正史唐以前無一向姓入傳者卽此碑  
碑陰所列尙氏子姓八十餘人亦無一人載入魏  
書北史者故事蹟無可攷也穆子容文有云盧忌  
置碑文之省也碑書忌作患坑作塤裳作穰磻谿  
作嶓嶮施作菴貌作猊毫作蒙帷幄作惟幄觴作  
鴟胄作胄皆別體儒默卽儒墨本通用僂卽優之  
異文銘詞有言疎故鄉降神巫咒不知何謂穆子  
容代人也魏書北史皆附穆崇傳崇子乙乙子真  
真子泰泰子士儒士儒子卽子容也其官汲郡太  
守在武定中惟魏書有之其字山行則惟見此碑  
不曰撰而曰山行之文又一例也碑立於武定八  
年四月不踰月而魏爲高齊所篡矣碑陰皆尙氏  
族屬其無官位而單書姓名者二十八人有稱故  
人尙次愔者所未詳也

强弩將軍造像記

記高不知幾許廣一尺五寸五行行四字五字六字不等行書

强弩將軍掖庭令趙振仰為七世父母上拷敬造弥勒像一堪

按碑題强弩將軍掖庭令趙振魏書官氏志不載掖庭令之官而强弩將軍則列於從四品下末云敬造弥勒一堪徐鉉注說文謂地穴中出也蓋與

龕音義同

西魏

僧演造像記

碑約高五尺餘三面刻正面廣二尺四寸五分有佛龕三龕旁欄上共有題字四行行十三字或十二字七字不等兩側各一龕龕欄題字或二行或三行行或五六七字不等其序文等字俱在一側作七截書每截或九行八行六行四行行或十

夫大覺神遷非經徬無外表其真益世閏時馮形質如取利然僧演減割衣鉢之資造石像壹區金像三區浮湍三級大般涅槃經兩部雜經三百口供養僧世人上為國主百僚師徒所生法界之類咸同正覺

大統四年歲次壬午七月十五日比丘僧演敬造供養

比丘道暈 比丘僧演 比丘法迴 比丘僧端

比丘僧曠 比丘惠遵 比丘道洸 比丘法崇

比丘僧暢 比丘僧普 比丘僧敬 比丘法豪

比丘僧云 比丘僧濟 比丘僧玉 比丘僧均

比丘僧通 比丘惠云 比丘僧輜 比丘道賢

比丘僧和 比丘法和

董大女供養佛 董當供養佛時

董僧供養佛時 董歡供養佛時

董口樂供養佛 姚舍攸供養佛

弥難將軍郭穆供養佛

伏波將軍任歡供養佛

清信士萬口 清信女趙口 清信女李口 清信

女李口

郭世貴一心供養

清信駱花嬰一心供養佛時以上俱在一側

比丘僧演供養 觀世音菩薩此又在

法神像一心供養

比丘法神為四恩三有敬造供養

已父尤谷 已母堯妙容 已弟鍾旭

比丘法隆 比丘道要 比丘道相以上四行在正面

曹續生造像記

碑高三尺五寸廣一尺六寸分三截上中俱四  
行下八行字數四至二十二不等隸書在富平

沙弥焦法清 沙弥焦法顯 邑口王法壽 沙弥焦

法興 比丘李口晃 沙弥焦雙洛 比丘焦法玉

沙弥上官法標 口予深口貴 唯配韓宅

大魏大統五年歲次己未二月乙酉朔廿五日己酉威  
烈將軍富平令頻陽縣開國男曹續生息延慶直口都  
口夫至道空靈非言无以申其宗真容絕相非刑像何  
以表其算是以現治富平令曹并邑子卅四人等各減  
割家珍造像四偈上爲帝主永隆口王口長壽下及邑  
子口口

按碑云現治富平令曹魏書地形志富平隸營邱  
郡天平四年置天平爲東魏孝靜帝紀元其四年  
卽西魏文帝大統三年當時旣分東西魏矣不知  
何以置縣繫之東魏而此碑乃繫之西魏也碑立  
於五年是曹續生作令在新置縣時而立碑亦在  
作令之初也文云邑子卅四人乃四十字關中金  
石記云三十者誤也今碑可見者僅十一人碑書  
形像作刑像區作偈

### 吳神達等造像記

石不知高幾許廣二尺厚一尺二寸四面刻一面分  
三截上截象中截記二十一一行行十三字下截化主

沙彌邑師等姓名計二十二行一面上中兩截皆象  
下截邑子姓名二十五行其兩側各分四截上三截  
皆刻象下截刻邑子姓名  
均十三行正書在涇陽縣

夫至道圓通而无相口用生口而无功口神口照於靈  
門口口口教口口口口須口提唱无口法顯道於天口  
口而雨口語其興悲滄物則口口口洪音振嚮則惠  
澤流口口口口口口見口口致使能口歸靈口口口  
口口代諸邑子口口口口口經教口生口信契志空心  
敦口大義各口家珍採石彫磨口口聖容口大魏大統  
十五年歲次己巳五月乙卯朔十四日戊辰脩訖神顏  
儼口靈山妙相鬱如神就口饒口體超絕眾口口口祥

口觀者口其奇異口者稱其口口口夢口口口口口  
口至口難功而功口比口也口口聞見口口則口口非  
可謂釋迦靈應口口口口口口口代口口至妙口口  
口口藉此功德願諸邑子等法口口心口口口口口  
口口口口口口口口口口口口口口口口口口口  
像主吳神達口口口口口口口口口口口口口口  
魏口口邑口口口口口口口口口口口口口口口口  
彌法和口沙弥法輝口口口口口口口口口口口口  
邑師口口臻口都口主口清口口口口口口口口口口  
吳口鶴口化主邵口樂口維邨劉口口口典錄口神



邑子李□□ 邑子孟□□ 邑子馮□□ 邑子馮□□ 香火吳□興 □□吳輔相 □□□

進□

以上左側

岐法起造像記

石高一尺五寸五分廣一尺五分側厚五寸前後兩面刻像記共六行行八九字不等弟子像題名共九行行五六字不等俱在兩側行書

大統十六年九月一日佛弟子岐法起造白石像一區為七世父母脈生父母家口大小無房葺年常与善俱一時成

佛弟子岐法起 佛弟子岐輝和 佛弟子伏和□

佛弟子王□□ 佛弟子暎妃□ 佛弟子暎和

佛弟子岐黑仁 佛弟子岐薩保 佛弟子張

□生

魏氏造像碑

碑高五尺廣二尺六寸六截書每截六行七行八行不等行五字正書在富平

化主魏□□ □□魏願興 □□□□□ 侍□□

□□ □□魏豐□ 化主□□□ 邑子□□□

邑子□□□ 邑子魏□□ 邑子□□生 邑子□

道洛 邑子□漢□ 邑子□□□ 邑子□□周

邑子魏□□□ 邑子魏益先 邑子□□□□ □□□□  
 □□□ 邑子魏道歡 邑子□□□□ 邑子□□□□  
 邑子魏□宜 邑子□輔□ 邑子□毛周 □主魏  
 良□ □主魏□□ 邑子魏□□ 邑子□□□□  
 邑子魏西□ 邑子魏□□ 邑子魏阿歡 邑子魏  
 □洛 邑子魏定國 邑子魏清毛 邑子魏伏熹  
 邑子魏道保 邑子魏道始 邑子魏□容 邑子魏  
 男□ 邑子魏□□ 邑子魏平香 邑子魏□□ □  
 主魏歡熹  
 焦延昌造象碑

碑高三尺一寸廣二尺五分分四截首截兩行次截  
 五行三截三行四截兩行末另兩行字數不等正書

和上法隆

□丘法壽□

邑子焦延昌

祖父故曹烏勾雷平真將軍弟一領□酋長

父拔拔西夏翅方郡功曹

□□焦延保

□曹吐□□□

祖母呼延卒□

母呼延庸 珣□

妻張安姬車

息女口妃

威列將軍口口令

口陽縣開國男口續口乘馬

按碑刻邑子焦延昌下刻祖父焦延保下刻祖母

母妻女則是焦氏兄弟為其一門眷屬造像祈福

而前有和上法隆比邱法壽當是立石以紀其功

德也曹續生造象銘邑子卅四人中有焦姓沙弥

比邱五人則此當與彼碑同時同地所立碑刻父

拔拔西夏朔方郡功曹弔比干墓碑陰有拔拔臻

知拔拔是魏時名稱也後書威列將軍威列即威

烈魏書官氏志威烈將軍階列第六品中末云口

陽縣開國男口續口乘馬下疑續字或即曹續生

前造象碑曹續生爵頻陽縣開國男也

李早生等造像殘題名

石殘闕高三尺六寸四分廣八寸作四截書上二截皆六行下二截一行二行字數五字至十六字

不等正書

邑子李口邑闕

邑子李仙仁 邑子李令恒 邑子李他奴

邑子李法護 邑子李莫問息德茂

邑子李 愛 邑子李 七活 邑子李 安記

邑子李 口息不知孫歸興曾孫胡蜀

邑子李 欽 邑子李 口口 邑子李 買興

關

邑子公孫愛姬 邑子衛 佻女 邑子李 妙貴

邑子 口 佻女 邑子 橋 口 姜 邑子 趙 迴 男

邑子 橋 魯 女 邑子 張 戒 主 邑子 介 叔 姪

邑子 口 王 女 邑子 薛 月 光 邑子 冀 口

邑子 李 黑 子 邑子 晉 女 賜 邑子 李 女 妃

邑子 李 歡 姬 邑子 張 騰 姜 婦 陳 仲 妃 邑子 郭 明 王

發心主李早生

發心主李德潔

邑子郭明王

都錄主李德遠

都錄主李顯集

智超等造像記

記橫廣一尺一寸五分高八寸四分十  
行行十二字十三字十四字不等正書

口口口口年八月丁卯口口丙戌區信佛弟子家

口口口口哲智超等口以祖父母口口口洪願造像

一區口以口口口不得造像口口于舍口仰口口

之願遂造□□一區□□□□□□先人□願願七世  
父母□□□□□□□□託生西方妙樂國土□□今□□  
□康吉□百恣□□□□□□□□□□心值佛文法  
按此碑與上李早生俱無年月附于魏末

金石萃編卷三十二終

金石萃編卷三十三

賜進士出身 誥授光祿大夫刑部右侍郎加七級王昶謨

北齊

西門豹祠堂碑

碑高六尺八寸廣四尺九寸二十九行行四十四字  
隸書額題西門君之頌五字篆書在安陽縣城隍廟

自夫清野儼以分宿沈濁判其□□□瀆  
為紀羅□□□□之關義栗襄葛之季炎  
軒昊頊之□□□□□瑞所聞蓋□□虞傳  
□□□□周□□□□□合踰千國既□  
□□□□壘水震九州齧割七雄基□□

金石錄卷三十三  
□□國之君□□古之業□□□田  
卜□□□□□璜河內侯治鄴□□子  
昌言而為任西門厲精而出宰□拒比周  
治申嚴察蠶還□寤主□亡而警吏□班  
既別□彩自□不省書□積倉府戎車北  
首侵□南□佩□臨事簪筆聽神民吏不  
敢兩欺□巫老□姦於波浪頡頏鄭密異  
術均美□□□首列城歸目於是生致尸  
祝之禮歿貽棠杜之思雖□券金書逝者  
不佞□□壇表慕俎豆逾遠北□襄王□

□□子託葬存稱惠主死曰明神所以幸  
世經關風俗漸染恩福之祈咸在灾沴  
禱仍□北直郡國掾史實降□□蓋魏  
氏季季日銷地反投蜺不息鬪馬盈空□  
白金堂鸞生玉室天示昭明之證帝啓即  
席之期我太祖獻武皇帝合制斗墨  
放□□□翦兇族於黎□□□於華□  
□運□竭激崐崙之永輸靡□□競□□  
□□增威一□□社再祠絕□匡□□□  
□□□萬□□□五□□會知三□之

未從想□橋之難□□□□□□猶存

式瞻神宇雅□□□蘭□成林椒□□□

□□□□得□志言 世宗文襄皇帝

□□□□□□龍□淵□□□應物

納□黎於□□□□於□下壠路荒蕪祠

堂湖□□辟□□□□□檝□□□□

芳□以丹□磨□下膠柳鯨螭旁□下神居獨

闕下而宛轉□下躍水仙鳥鳴林闕下歌尊神尚

德闕下終□□□□有歸紛郁 皇上官

府□物覈□□□□□□有稟賦靈牲□

□為德道不可□□還□燼樂反□下常流

菽雲自卷仙琯協律□□神文爛北□

□□西鳳鱗□五□光氣四舉奠而□下牛

於陰山風逸驥於桃塞捐金抵玉未粟□

□□□致酒英傑先之顧以賢宰餘休聯

闕下宸鑒斯揆使持節驃騎大將軍開府

儀同三司□州□□師濟河王岳出應敵

國入當□下之一帥執刺都輦標榜九牧駟

禽弭□□雨來風披席□□傾賢禮俊眷

彼能官投□千祀□下誓芻離殊類竊假畏

威仰德堅碑在口春煦口口口超二百執

徐之口口口口口櫛豈不蒼精云啓口口口

口口口言僭迹掃地不遺委贄與王恭承

口運幽明口遠意在斯乎乃命口紀口口

鴻口口以昭晉神道口口口口口口口而

口絕望黃岑以俱峙其詞曰

星精崩散漢津橫瀉山峙口口瀆涑踈墅

中處外薄惑夷惑夏周德不昌三詩缺雅

下侮弱憑強魏侯趣士民俊口望鄴有賢

令夏景冬口口口率口口口俗下存祀

四時亡哀百贖始聞賢烈終口明靈忻殫

鼓口口盡牢牲藉蘭竦意尊口口口口口

徒口禮下人授手口口謀居光宅漳右龍

駒鵠盖鳴笳駟牡口口層口載前載後口

象口口飾衛逾隆天子赫赫廟譚數在

躬夏應虞命禘受堯終洛汎文章河浮圖

口會昌冥貺居今陋昔咸秩報口口口口

口口口口口宜留金石口親藩幹口率依

風毛畢均美口口口口口口口

碑陰

陰上下共分六截書每截各三十三行正書

散騎常侍趙郡王州都郭海高口

驃騎大將軍開府儀同三司尚書右僕射彭城縣開國

公州都魏郡元韶口

平東將軍別駕從事史魏郡穆子口

前將軍治中從事史魏郡鮮焉口口

主簿魏郡高婆藪

主簿廣宗潘僧度 字子昱

西曹書佐魏郡元稚英 字季彥

西曹書佐魏郡李天綱 字天綱

記室從事魏郡叔孫子慎字僧護

記室從事清河崔口口 字公孺

戶曹從事魏郡穆遺口 字子傲

戶曹從事清河張口威 字

金曹從事魏郡尉口口 字文

金曹從事頓丘郡李口 字口明

租曹從事魏郡陸元茂 字道盛

租曹從事廣平游子璠 字士瑜

兵曹從事陽平路君元 字公初

法曹從事魏郡方德隆 字道口

法曹從事陽平宋彞良

子真

部郡從事魏郡柳暎

僧蔭

部郡從事魏郡薛廓

子元

部郡從事魏郡□□渾瑛

長璠

部郡從事廣□□序

元伯

部郡從事清河□義

緊陁

部郡從事林慮皇甫□

桃科

部郡從事林慮辛□

景宣

部郡從事清河傅□

□武

部郡從事□部□上忠

季成

部郡從事魏郡□景□

□昇

部郡從事魏郡□子□

德卿

部郡從事□□□宣□

□道

□從事魏□□□

□□

以上第一截

□□□□□

□融子明

公務思業

□仁景寶

□□修業

□ 遠 洪遵

守從事 公□

守從事魏郡 靈紹

守從事陽平王順 孝章

武猛從事林慮王祿 □□

武猛從事魏郡馬□

武猛從事魏郡緱文□

武猛從事淳于士彰

武猛從事魏郡張宣和文□

武猛從事魏郡張孝通順和

武猛從事魏郡柳士緯洪朗

武猛從事汲郡蒯翻 孤誕

武猛從事頓丘竇長卿

武猛從事頓丘吳斐 融邁

武猛從事頓丘胡遵 士尚

武猛從事林慮張則 仲軌

武猛從事林慮魏光 暉卿

武猛從事潁陽栾琛 三寶

武猛從事潁陽梁□ 子嚳

武猛從事陽平楊達 叔勸

武猛從事陽平繆淇 難陀

武猛從事東郡張興 顯盛

武猛從事東郡賈順 思口

武猛從事廣平鄭昇 懷口

武猛從事廣平程蘭 和仲

武猛從事北廣平呂和子穆

□□□□廣平郭怡叔悅

□□事□□平□□ □□

以上第二截

□

武猛從事□□□□□□德

武猛從事濮陽郭忻 □悅

武猛從事濮陽□□ 叔達

門下督盛□□□□

門下督□□□□

省事姜明 □誓

省事曹遵 顯口

錄事王神 元龜

錄事延陵仲口 □龍

西曹掾□□ 世忻

口曹掾齊習思義

口室掾蓋穎元儁

口室掾宗懿延貴

口曹掾馮業洪纂

戶口掾陰翬仲口

戶曹掾口文伯元口

戶曹掾口口口口

戶曹掾劉口口口遵

口曹掾滕又口

口曹掾鞠隆子口

戶曹掾張敬子金

金曹掾樊淵海賓

金曹掾李遠伯口

租曹掾終士粲

租曹掾邢悅季口

租曹掾馬伏阿

租曹掾吳宣尚宣

兵曹掾梁璋子禦

兵曹掾林暉賓子口

兵曹掾賀崇遠口口

兵曹掾 郝仲 次元

兵曹掾 闞華阿

以上第三截

口曹

兵曹掾 崔業口

兵曹掾 周景伯

法曹掾 李崇讓口義

法曹掾 口口貴

法曹掾 田口遠見

法曹掾 孟口元為

法曹掾 口 哲

法曹掾 禮

部郡掾 侯遵景順

部郡掾 聶貴崇和

部郡掾 石建長賓

部郡掾 馬峯莫口

部郡掾 口禮長詢

部郡掾 杜彥雨賓

部郡掾 張侍永賓

部郡掾 衡遠口業

金... 北齊一

十

部郡掾 賓

部郡掾 靳寶□□

部郡掾 閻仲叔□

部郡掾 郝巒楚

主簿吏 韓世□

主簿吏 蘇□孟市

西曹吏 杜□□□

西曹吏 趙□□□

記室史 樂□暉□

記室史 左循洪遵

曹史 史穆景邕

曹史 □蘭市奴

曹史 解景□

曹史 翟會同止

曹史 王質崇善

曹史 □□

以上第四截

戶曹史 傅□□□

金曹史 □□元□

金曹史 口口口口

租曹史 口貴

租曹史 吳子政 叔保

口曹史 馮沙門

租曹史 樂口阿口

兵曹史 綦略 阿穎

兵曹史 口敬 乾恭

兵曹史 張口阿元

兵曹史 王酉 士高

兵曹史 劉口口口

兵曹史

兵曹史 戴懷

兵曹史 楊良

法曹史 謝口

法曹史 杜悅 阿口

法曹史 馮纂 遵

法曹史 賀口洪 宣

法曹史 王口秉 襲

法曹史 韓萇 永昌

法曹史 王進 遠文 仙

金石錄卷三十三  
典籤史 吳仲穎仲舒

部郡史 戴光思顯

部郡史 張伽阿桃

部郡史 郝纂阿集

部郡史 田彥休儁

部郡史 石吉子良

部郡史 張長遵伯

部郡史 石穆愛和

部郡史 韓□□伯

□□

以上第五截

□

□

□

□

門下史

省事史 張習□□

省事史 林邕子穆

錄事史 李瓊子□

錄事史 賈光長□

金石錄卷三十三 北齊

七

□□將軍軍主郤海□

□□將軍軍副焦定

□兵

□

□

□

□

□

□

□

賊曹□

賊曹孟伯□

賊曹李晚興

賊曹張善

隊主李趙成

隊主嚴奉伯

隊主千聰

隊主張□□

西門□□

隊副 □ □ □ □

隊副

□ □

□

以上第六截

碑云使持節驃騎大將軍開府儀□□司□州□□  
師清河王岳者齊書列傳云顯祖出撫晉陽令岳以  
本官兼尚書左僕射留鎮京師天保初進封清河郡  
王尋除使持節驃騎大將軍開府儀同三司宗師司  
州牧蓋以此時立碑也明一統志云西門豹廟在府

城北大夫邨北齊天保年建碑刻尚存今碑缺年月  
太平寰宇記云鄴縣西門橋齊天保五年僕射魏收  
為碑存焉則碑是天保五年魏收所撰無疑碑故在  
豐樂鎮廟內知縣彭某移于城隍廟中水經注云漳  
水逕武城南又東北逕西門豹祠前東側碑隱起為  
字祠堂東頭石柱柱勒銘曰趙建武中所修也魏文  
帝述征賦曰羨西門之嘉迹忽逕睇其靈宇寰宇記  
又云鄴縣西門豹祠隋圖經云在縣東南七里北臨  
太平渠或恐碑移而祠基且將迷失矣趙建武石柱  
銘又非汝帖所載石趙鄴祠柱刻也其刻宋時猶存

倘有好事一訪之乎碑篆額云西門君之頌 陰列  
官吏題名有云散騎常侍趙郡王州都勃海高下缺  
名者高嶽也齊書列傳云顯祖受禪進封爵爲南趙  
郡王邑千二百戶遷散騎常侍以此知之勃海字見  
說文今史皆作渤知六代人書猶無俗字也碑又有  
元韶穆子容銜名元韶齊書有傳云襲封彭城郡王  
歷位太尉侍中錄尚書司州牧進太傅齊天保元年  
降爵爲縣公此云彭城縣開國公州都者其降爵也  
史不及開國公州都乃其疏穆子容見北史穆崇傳  
是時爲平東將軍別駕從事史亦可据碑以補史也

中州金石記

案碑殘剝斷裂文詞句不相貫其叙西門君治鄴之  
跡有云口拒比周治申嚴察簪筆聽神民吏不敢兩  
欺口巫老沉姦口波浪頡頏蓋約舉史記爲文又叙  
生致尸祝之禮沒貽棠杜之思口壇表慕俎豆逾遠  
似因舊祠而加修之爲述其義如此碑稱太祖獻武  
皇帝世宗文襄皇帝者北齊書太祖紀所謂天保初  
追崇爲獻武皇帝世宗紀齊受禪追謚爲文襄皇帝  
是也高岳傳世宗崩顯祖出撫晉陽令岳以本官兼  
尚書左僕射留鎮京師天保初進封清河郡王尋除

使持節驃騎大將軍開府儀同三司宗師司州牧並  
與此碑同則知碑立在天保初矣中州金石記據寰  
宇記鄴縣西門橋齊天保五年僕射魏收爲碑之文  
定爲天保五年魏收撰然高岳當天保五年亦加大  
保而此碑不書或文成於五年之前樂史據其立石  
時書之傳言畱鎮京師又言司州牧高齊因東魏都  
鄴而仍循司州舊名故見於此也 又案碑陰載諸  
人題名稱州都者二人別駕從事史治中從事史者  
各一人主簿二人西曹書佐二人記室從事二人戶  
曹從事二人金曹從事一人租曹從事二人兵曹從

事一人法曹從事二人都郡從事十二人隨書百官  
志載齊制司州置牧屬官有別駕從事史治中從事  
史州都主簿西曹書佐記室戶曹功曹金曹租曹兵  
曹騎曹都官法曹部郡等從事員蓋以鄴爲司州其  
屬官並與使符又有武猛從事及門下督省事錄事  
西曹掾記室掾戶曹掾金曹掾租曹掾兵曹掾法曹  
掾部郡掾主簿吏西曹吏記室吏戶曹吏金曹吏租  
曹吏兵曹吏法曹吏典籤史部郡史省事史錄事史  
攷門下督與錄事清都郡鄴臨漳成安三縣並有之  
至西曹掾以下卽志所謂主簿置史西曹已下又各

置掾史也但主簿史以碑證之作吏耳安陽縣志

按碑文多缺蝕無立石年月惟云使持節驃騎大

將軍開府儀同三司州州州師清河王岳傾賢

禮俊畏威仰德堅碑在口云云是碑雖題西門豹

祠堂碑而文意並無紀述西門豹事蹟亦無建造

祠堂之語大率頌美清河王之詞為多北齊書清

河王岳傳岳字洪畧高祖從父弟也魏太昌初除

車騎將軍左光祿大夫領左右衛封清河郡公食

邑二千戶余朱兆據并州高祖將討之岳留鎮京

師遷驃騎大將軍儀同三司天平二年除侍中六

州軍事都督尋加開府除使持節六州大都督冀

州大中正俄拜京畿大都督元象二年母憂起復

除兼領軍將軍興和初出為使持節都督冀州刺

史武定元年除晉州刺史西南道大都督六年除

侍中太尉餘如故別封新昌縣子又拜使持節河

南總管大都督別封真定縣男世宗崩顯祖出撫

晉陽令岳以本官兼尚書左僕射天保初進封清

河郡王尋除使持節驃騎大將軍開府儀同三司

宗師司州牧五年加太保傳載岳歷官如此据此

則碑立於天保元年無疑碑銜不云加太保其非

五年可知矣關中金石記引寰宇記云鄴縣西門橋齊天保五年僕射魏收爲碑存焉以爲碑是天保五年魏收所撰蓋魏收所撰者乃西門橋碑此是西門祠堂彼此異也齊顯祖文宣帝本紀帝以天保元年五月戊午卽位己未追尊皇考獻武王爲獻武皇帝皇兄文襄王爲文襄皇帝六月壬午封太尉高岳爲清河王碑前有太祖獻武皇帝世宗文襄皇帝等字則爲追尊以後之語後云委贄興王恭承口運及夏應虞命舜受堯終尤足爲初卽位時之證也其稱宗師者魏書官氏志云天賜

元年十一月以八國姓族難分故國立大帥小師令辨其宗黨於是宗室立宗師之目此是魏初之制豈齊初猶有此官耶碑陰列姓名幾二百人惟首四人處尊位以下則主簿書佐從事門下督省事錄事掾吏史軍生軍副隊主隊副等職里居姓名某甫皆備書之又一例也首列高叡碑缺叡字傳稱叡封南趙郡王碑無南字魏書地形志有趙郡有南趙郡並屬殷州傳或衍南字也其稱州都郭海者地形志渤海郡屬冀州曹魏時冀州本治鄴高氏是時居鄴鄴屬司州爲魏都西門祠在其

城殆是郭海舉其郡望州都舉其邸居也次列元  
韶亦稱州都魏郡正同此例關中記云彭城縣開  
國公州都者其降爵也此語蓋誤州都當連魏郡  
讀不連上讀若州都爲降爵則高叡未嘗降爵而  
亦曰州都何也第三穆子下碑缺一字關中記以  
爲穆子容魏書及北史俱附魏崇傳北史載士儒  
之子子容魏末爲兼通直散騎常侍齊受禪卒于  
司農卿魏書載士儒子容少一子字武定中汲郡  
太守皆不言其官平東將軍別駕從事碑或別是  
一人非穆子容也

### 風峪華嚴經石刻

碑搨本凡一百二十四紙大率高四尺二寸廣二尺  
文二十三行行五十七字正書其餘石之廣狹行字  
之多寡大小俱不等石片亦不能計  
數今在山西太原府太原縣風峪內

### 經文不錄

風洞在太原縣西三里風峪口甄瓌洞一穴方五丈  
有司以三月祀否則多風穴中三柱四壁鐫華嚴經

山西  
通志

太原縣之西五里有山曰風峪風穴存焉相傳神至  
則穴中肅然有聲風之所從出也愚者捧土塞穴建  
石佛于內環列所刻佛經凡石柱一百二十有六積

歲既久虺蝎居之雖好游者勿敢入焉丙午三月予率士人燎薪以入審視書法非近代所及惜皆掩其三面未縱觀其全也北朝君臣崇奉釋氏石刻經像

在處多有予友太原傅山行平定山中誤墜崖谷見

洞口石經林列與風峪等皆北齊天寶間字而房山

石經刻之自隋甚矣其法之蕃熾也通鑑載後唐

劉后與李存渥奔晉陽李彥超不納存渥走至風谷

為其下所殺北夢瑣言載此正作風谷胡三省注風谷當作嵐谷

唐長安三年分宜芳縣置嵐谷縣屬嵐州非也風谷

即風峪北人讀谷為裕俗並加山作峪曝書亭集

按北齊書段韶傳突厥從北結陣而前東距汾河西

被風谷大唐創業起居注煬帝於樓煩置官因過太

原取龍山風谷道行幸則風谷之名已著於前代矣

金石文

字記

按風峪今俗稱風洞洞中有石刻華嚴經金石諸

書多未見著錄即曝書亭集有風峪石刻佛經記亦但云環列所刻佛經而已不言為華嚴經也記言石柱一百二十有六不知山西通志何以但云三柱也以臆度之洞方五丈必非三柱所能搆則通志所指三柱或別是虛立之柱耳柱有百二十

六必是周立於洞中經卽刻于柱上柱有四面必  
皆刻經竹垞所見已云撿其三面則今所搨者亦  
祇一面耳今搨大小共一百二十四紙顯係一柱  
一紙其與柱數不符者僅少其二也全經有八十  
一卷今搨本首末行有卷第標目者計三十八紙  
餘俱無攷想皆散見于三面而不能搨矣碑無時  
代年月及刻經記序題名惟卷卅七之末行題云  
佛弟子許智通妻宋十娘許五娘女許三娘姓名  
可見者祇此金石文字記列于天保二年當自有  
據然別無詳說可證其標題亦但作石刻佛經則

亦似未嘗詳閱此碑也天保爲北齊文宣帝紀年  
曝書亭集刻作天寶誤也經文書格不一有秀整  
者有流動者大致類初唐虞褚其中如四十作卅

星作。天作而則北朝間有之以此爲天保時書

無足疑者

標題華嚴多作花  
嚴六朝人間用之

此碑椎拓不易迨在

西安時適同年沈君業富官山西鹽運使因託其  
購覓拓寄此本雖闕軼尙多究爲北齊之物亦可  
珍也竹垞記中所云房山石經刻之自隋昶嘗見  
吾友查君禮游懋題上方二山日札所記石刻佛  
經甚詳云石經洞寬廣如殿中供石佛四壁皆碑

石壘砌卽隋靜琬法師所刻佛經字畫端好有歐  
褚楷法無一筆殘缺左壁兩層共碑三十六枚右  
壁三層亦三十六枚後壁三層共四十一枚前門  
左右壁及門項共三十三枚皆妙法蓮花等經卽  
竹垞記中所稱隋刻者又大洞之右第一洞刻佛  
說恒水流樹等經第二洞刻陀羅尼集等經大洞  
之左第一洞刻令生歡喜名無垢等經第二洞刻  
菩薩瓔珞等經其下有石井井左第一洞刻金剛  
般若波羅密等經第二洞刻摩訶般若波羅密等  
經井右爲伽藍殿殿右第一洞刻文殊師利普超  
三昧等經第二洞刻千手千眼觀世音菩薩廣大  
圓滿無礙大悲心陀羅尼等經大洞之右又有心  
經碑一金剛般若波羅密經碑二伽藍殿旁又有  
金剛般若波羅密經臥碑一餘碑林立不勝紀此  
外又有遼初續鑄四大部經二千七百三十碑而  
華嚴經全部亦在其中昶聞而歎慕之常屬甥西  
路同知蔣雲師訪搨云是碑聚于瓦礫之中洗剔  
塵沙必得數十人數十日之功力不能辦而止查  
君之游石經洞在乾隆丙辰僅逾數十年而碑已  
難搨如此今查君之記已刻入銅鼓書屋遺稿昶

錄于此以諭後之好事有力者

劉碑造像銘

石橫廣五尺七寸高一尺八寸二分  
四十二行行十三字正書在洛陽

夫妙靜虛凝聖蹤難尋悒怕無相非有心能知雖形言  
幽絕誕迹三千慈悲內發欲濟危拔苦演十二而曉群  
情喻三車以運諸子摧應歸空潛神真境然篤信佛弟  
子劉碑河澗人也寶胄唐資瓊基漢緒襲踵前王衣冠  
万代因官隨爵芳柯嵩丘此人善識四非深解五業慕  
募鄉耨首領懷珠獨契皆是軒姬荻蔬英裒之孤挺晉  
魏九域磐根之樑棟殷昞皇朝飛聲齊室故能同率緒

素異心共遵等意採石金山遠求名匠奇思罕聞巧殊  
卅外四扶靈嶽之顯西據王舍之陽派流濟濟建像一  
區構基三泉首騰霄月真容凝然化流無尋光曜十方  
空空遍滿視之者目中花生觀之者我心家滅仰爲皇  
祚永隆宰輔顯上以此果緣福鍾師僧七世願使神登  
紫宮形昇妙境見在寧康子孫興茂辨智超才表心六  
藝窟樞台相位累九生生墮歡諧來栖道跡往往逢賢  
處處遇聖蠢動普沾同照十日身當心覺遊濟彼堺刊  
鏤金芳願言不朽其辭曰

如來聖跡遐矣難尋究竟歸空妙理實深出没自在顯

滅雙林欲隨而去攝以愚心龕龕有佛相望若語菩薩  
立侍哈聲未吐師子護坐豎日相覩諸天作樂口口對  
舞金剛力住在戶之傍耶捲口目儼寒相當波旬請死  
欲退無方道俗肩隨慶會天堂肅肅法師寂寂道塲崇  
之若近尋之芒芒垂誘下土上接攜將六口解羅三有  
暈光俄俄禪定神歸空外真化無尋心寧三昧脫骨王  
子廣度一切夙樹珪璋垂羅天闕冠冕世襲金柯秀發  
辨隆待仕殊今古越僑邁機驚皎然若月信士萸萸契  
悟福期鐫鏤金石相好巍巍嵯峨妙絕是難是希終天  
畢地永爲葺基

維那樊元貞

碑樓寺在縣東四十里石涼東源上內有豫州劉刺  
史碑北齊天保八年丁丑立刻劃佛像文列上方字  
殊鄙劣刺史名碑無佛處鐫諸人姓名俱劉氏名文  
紀劉碑爲首造碑文緣起也村落沿其名曰劉碑說  
按碑無年月據說嵩語因列於北齊天保八年文  
云劉碑河澗人也河澗當作河間左旁衍水耳寶  
冑唐資者劉姓凡二十五望並自陶唐氏劉累之  
後故云唐資也瓊基漢緒瓊疑是瓊字用以對寶  
冑也劉氏之家河間者惟北魏劉冑官直閣將軍

金石考續卷三十三  
出守本郡與茹皓俱赴鄴官講武乞畱至洛似卽  
劉碑先世文故云因官隨爵芳稱嵩左者也劉碑  
史傳不載碑但泛言造像求福之意不詳事蹟故  
無可攷碑書凝作凝淡泊作恢怕纂慕作慕首  
領作酋領照作獎英作英巧作巧靈鷲作靈鷲書  
作霄辨作辨蠢作蠢岷作岷望作望豎目作豎目  
力士作力仕偃蹇作偃蹇下土作下土暉光作暉  
光冠冕作冠冕皆任意增減移置初無義理據說  
嵩謂無佛處鑄諸人姓名俱劉氏名今碑但有維  
那樊元貞一人是搨本未全也

道牖造像記

記橫廣七寸五分高五寸三分八行行四字五字六字不等正書今歸偃師武氏

大齊天保十季七月十五日比丘道牖敬造盧舍那法  
界人中像一區願盡虛空邊法界一切衆生成等正覺  
朱豹泉得石寄黃小松琢背爲硯而小松復以遺予  
其文所稱比丘道牖敬造盧舍法界人中象一區未  
解是何象也授堂金石跋  
右造象記八行字徑七分頗秀勁亦有別體如象作  
像邊作邊是也小松云得于正定友人今作爲硯山左

金石志

按此石舊從濟寧州普照寺發土得之石存而像  
無攷矣後轉徙藏於正定佛寺朱瀑泉煌得之以  
贈黃司馬小松易作視材小松又贈偃師武大令  
虛谷億今所見者搨本也法苑珠林普敬部引華  
嚴經云盧舍那佛報身如來所王之土復過是數  
盡十方界非凡所謀故楚網經偈我今盧舍那方  
坐蓮華臺云云是碑中所稱盧舍那佛名也翻譯  
名義集盧舍那賢首梵網疏云梵本盧舍那此云  
光明徧照照有二義一內以智光照真法界此約  
自受用義二外以身光照應大機此約他受用義

淨覺雜編云盧舍那寶梁經翻爲淨滿以諸惡都  
盡故云淨衆德悉圓故云滿此多從自受用報得  
名或翻光明徧照此多從他受用報爲口若論色  
心皆得淨滿身智俱有光明則二名並通自他受  
用也

夫子廟碑

碑連額高六尺三寸五分廣三尺七寸五分十九行  
行二十四字隸書額題夫子之碑四字篆書在曲阜  
廟孔

□□齊乾明元年歲□□壘月全下人響  
引自闕德所以歷□□□無淪者其由□



文獻攷但稱爲北齊夫子廟碑不辨何人所立其釋  
文亦祇及今之半耳

山左金石志

按闕里文獻考云此碑可辨者才百有二字闕里  
志不載其文祖庭廣記云剝落不可考今取碑諦  
視可識者得一百四十餘字較闕里文獻考所識  
增多四十餘字矣碑云公道昭之第口子也魏書  
本傳道昭之子有五曰巖祖曰敬祖曰述祖曰遵  
祖曰順然則述祖乃道昭第三子也述祖善隸書  
此碑筆法頗與鄭述祖書天柱山銘同然使述祖  
自書不應指斥父諱而云公道昭之第幾子也疑

是他人紀其事而述祖書之猶雲峯山鄭道昭刻  
其父文公德政而託名於故吏程天賜也大意是  
道昭爲光州刺史時來謁孔廟追述祖繼刺光州  
訪父遺蹟刊碑祠堂以紀之文故云嗟嘆久之命  
工重鑄也額不曰夫子廟碑而曰夫子之碑見立  
碑之意不繫乎廟也

### 在孫寺造象記

石高六尺一寸五分廣二尺八寸厚一尺二寸八分  
四面刻分三四五截訖廿五行行廿字正書雜隸在  
登封縣  
蔣莊

蓋太儀育物品類不同隨口口以輪迴逐陰波而自溺

可嗟薄福熟為津樑哀哉士徒誰口出要唯無上大覺  
 獨悟靈深志欲道正水以壞耶山秉慧炬而滅癡闇故  
 堅杜六門大開八口龍魔鎖口虎見斯伏但感微應促  
 毒樹之音已彰如住无善利口滅之习唯速於是燈光  
 夜掩法舟息駕遂使八到熾然業變增甚自非曉燭真  
 途了斯相染契能併口扇而超昇望宗一而高蹈哉都  
 邑主張曠族薛景畧仇洪旭履焄業陶洪遠李祖憐都  
 口口百口拾人等以是漢曲明珠荻山之貴狂風口口  
 蘭口飄舉嘆世挾蔬鄉家金口根木泉而結袈袖八  
 口月而口龍口如此隆二昂二盛哉雖浮俗愛起口千

端口口至口思口不憚口勞之軍慧劍雙懸罕口口魔  
 之陣无不口篡口蹤魔開口口口口金顏之口佳口口  
 口之口口遂廣建伽藍口口口口口口口口之口面  
 口大起帝有之奇身真容口燬若百葩之開春樹朝曦  
 竟照類万口之聚高天足使跋聾發口口心返正雖猛  
 炎銷天洪波沸地而神壚寶岸畢竟常口昔口拈擁沙  
 尚滅菩提業盛前脩功名顯著豈使日月空流聲塵无  
 死口彫金垂範傳芳不朽自非立信空門皈心淨域將  
 知福報無虛功不忘斲脩回口善口口俾口口捨財崇  
 福佐天堂之業上為三寶口口七世父母過往口師現

在居眷門徒子孫世貴國內人民口口役口口口速至  
下及邊地蠢動蒙恩五道口澤有刑之類普獲福利存  
号河清三季歲次甲申四月己丑朔廿日戈申

都邑主張曠族

邑子嚴和祖

都邑主薛景略

邑子王承儁

都邑主仇洪祖

邑子張義和

都邑主寇智業

邑子陶鸞

都邑主陶洪遠

邑子陶發顯

都邑主李祖憐

邑子陶僧和

都邑主麻仕和

邑子仇眾敬

都邑主席懷略

邑子李慧達

都邑主劉和穆

邑子嚴法口

都邑主仇海

邑子尹洪賓

都邑主仇定國

邑子仇城買

都邑主仇口敞

邑子陶媚臻

都邑忠心李樹生

邑子張眾愛

都邑忠心袁景口

邑子嚴元禮

都邑忠心嚴崇顯

邑子嚴震席

都邑忠心嚴買

邑子寇洪哲

都邑忠心嚴寶瓊

邑子寇仕通

都邑唯鄆仇周悅  
邑子履仕寬

都邑唯鄆嚴曠善  
邑子履遠振

都邑唯鄆董雙儁  
邑子履仕貴

都邑唯鄆李進興  
邑子高子巖

都邑唯鄆嚴元昌  
邑子游元族

都邑主管法安  
邑子儀略

都邑主管法安  
邑子嚴醜

邑子仇顯  
邑子仇興族

邑子王口石  
邑子嚴世榮

邑子張口醜  
邑子口惠雅

邑子薛伏海  
邑子張口醜

邑子嚴敬賢  
邑子嚴口

邑子仇伯兒  
邑子嚴燕奴

邑子仇道口

邑子仇永昌

邑子和伯憐

邑子李嵩  
邑子郝敬先

邑子郭族櫛

邑子仇景業

邑子履衆口

邑子高口歡

邑子素永遷

邑子嚴景業

清信劉練光

清信柳貴

清信陶伯口

清信劉貴

清信段明勝

清信素明堂

清信陶憐妃

金石錄卷三十三

清信楊買

清信李

清信王外妃

清信口

清信陳口口

清信口

以上均刻在記文之下

口堪像主口口與一心供養佛

一心供養佛

邑師僧誕邑師口口

邑師沙門都口敬

以上刻在記文之上象堪之旁

東堪像主董口口東堪像主王悅二人等一心供養

金石錄卷三十三 北齊一

三

佛時

邑子管安 邑子口口口 邑子口孝口

邑子管買來 邑子陳七 邑子履天長

邑子王惠甦 邑子吳琢 邑子履萬孫

邑子高要憲 邑子董延慶 邑子履遷孫

邑子姚思族 邑子南顯業 邑子任曠口

邑子嚴秣洛 邑子段和穆 邑子任曠龍

邑子管貴和 邑子相宋先 邑子董伯曠

邑子高龍勝 邑子相惠臣 邑子由元璨

邑子嚴口口 邑子董唇生 邑子魯仕光

邑子嚴尚忠 邑子楊清才 邑子韓口

邑子嚴口口 邑子履方口 口口口口口

邑子幾口口

邑子卞口

邑子幾飄 邑子幾崇

邑子高 瑛 邑子幾柱國

邑子嚴肅

邑子劉陳趙

邑子薛梨奴

邑子陶安和

邑子李毛龍

邑子口興 邑子

邑子甲口 邑子

以上東面

口口口口口主李口口

口口口口口口口口口口

口堪口口主仇口口 中堪口主仇口口

中堪口主口口口

都口口主陶洪遠口口

都口口口口口口口

合邑口一百五十八等 一心供養佛

以上正面

西堪像主嚴買上為七世父母次及現存子孫昌熾

弥勒出世願聞初法

邑子仇憲孫

清信夏侯婆兒

邑子仇田買

清信李孃女

邑子仇先女

清信女仇口女

清信張女口

清信女仇王女

邑子仇僧和

邑子張口鬼

邑子張口

清信女張清女

邑子張口興

以上西面

碑在縣東四十里蔣莊碑稱在孫寺正面刻佛像碑陰刻大齊河清三年歲在甲申敬造文字剝落殆盡不可揭矣下截埋土中止露其半在村中之衢說崗

朱曇思等造塔記

記高一尺九寸廣二尺六寸十六行行約十五字正書在博興

大齊河清四年歲次乙酉三月癸未朔四日丙戌

慈風未鼓品類同昏惠化一開乃羣情等覺雖真光暫暎而實相可追故捐茲吉海志彼零峯邑主朱曇思朱僧利一百人等於村之前兆其勝地綿基細柳白席遊南敬造寶塔一軀經之不日斜蘆煙際四翁風生鏤樣真離刻墓兜率魔聖蛟龍看之若生飛禽走獸聾疑似活羌弗可得如言矣巍巍易觀豁爛難名遂託銘神宮冀貽万葉仍因撮土之功敢發廣厚之願國祀永隆霞載等一頌粵 霽璃住昔麗宇今茲弱黛留烟炎起停

金石錄卷三十三  
暈玷草垂露畫樹懸糸荷抽紫葉嶺鬱青芝

□□□□□□□□以下俱闕

右河清四年三月造塔記近日黃小松司馬得于博興土中以建初尺度之高一尺九寸廣二尺六寸共十六行行約十五字後有造像三座末行文盡剝落惟存像字之半字徑七分用筆肥媚而多別體字如涓作惛塵作塵翥作翥梵作梵容作容爵作爵皆不合六書而寶塔之寶作寶則謬之尤甚者其書頌粵卽借爲日字與太公碑東阿王廟碑並同頌八句叶茲暈系芝四韻按暈卽暉字說文有暉無暈古人曰


暈字卽作暉見周禮注張景暉造像記亦書暉爲暈二字蓋得通用畫樹懸糸句借糸爲絲與說文糸細絲之訓合記中又云羌弗可得如言矣酒春秋傳星

隕如雨歛如忘之義也


錢侗跋



按碑立於河清四年三月是年四月武成帝傳位太子改元天統此猶在未傳位之先也文云綿基細柳白虎遊南說文柳繫馬柱也此蓋借繫馬柱字形容塔柱之不鉅也上文綿基亦言塔基之綿遠形家以右爲白虎遊南者意謂白虎右旋而南遊也瞻疑當是瞻疑如言當讀而言魏魏當讀魏



金石萃編卷三十三  
魏爵璃當是爵螭惟末句嶺巒青芝語氣未了疑  
尚有文然碑未嘗缺泐也



金石萃編卷三十三終







70042908

